

永新縣志

地 243.73

38.

:12



永新縣志卷三十五

藝文志

文徵詩

秋鴻篇送劉沆之衡州 以下五言古

宋梅堯臣 宣城人

秋鴻整羽翮去就自因時  
往春南方來遂止天泉池  
天泉水清泚鴛鴦日追隨  
蒲藻豈不樂江湖信所宜  
今朝風色便暫向衡陽歸  
洞庭逢葉下瀟湘先客飛  
渚有杜蘭美心無稻梁卑  
矰繳勿爾念鷹隼甯爾窺  
烟波千萬里足以資盤嬉  
降前想回日青冥生路歧

贈永新簿凌瑀檄權泰和縣事

劉沆 邑人

移我禾水思去拯西昌墜  
予忝受知者贈行聊建議  
事上在乎恭

永新縣志

卷三十五

藝文志

文徵

恭須戒成媚臨下貴乎簡  
簡亦防興偽竟勿使傷韋  
猛宜懲大鷲五月期報成  
雄揖循良吏

題禾山蕭秀才卧雲菴

菴係秀本別業

王庭珪 安福人

江南山盡頭氣狀頗英淑  
禾山倚天開蒼翠滿林麓  
扶輿磅礴起橫斷湘江曲  
中有隱君子結茅在深谷  
未放雲出山蟠雲卧幽獨  
暮檐青潑眼遠靄寒山竹  
葉色嘉有餘幽人夢初發  
起看柱礎潤山前雨應足

六義堂

文天祥 廬陵人

吾愛張子厚西銘識情性  
四海且兄弟矧我有同姓  
吾宗蓬山翁屏居樂閑靜  
三峯筆格橫一水冰壺瑩  
才華眾所推聲名日以盛





六子俱名經擇師必端正歸然六義堂  
昕夕事吟詠經以雅頌風  
緯以賦比興填唱而箎和金聲而玉振  
講論劇精詳初匪隔壁聽  
兒孫立階庭蘭玉相輝映談笑既雍容  
衣冠猶儼敬雕盤錯珍羞  
芳樽酌佳醞坐客皆簪纓勸酬總名勝  
我爲宗族來升堂展家慶  
因參譜系源獲覩文章印深懷報主恩  
無從接先進憂國忘其家  
老身况多病朝野日瘡痍國是靡有定  
臨別淚縱橫聞風時問訊

送劉本菴御史赴京謁選

明段所邑人

青松在長林羣芳爭誚嬉謂無艷陽質  
孤直將奚爲青松靜無言  
怡然相對之嚴霜忽零墜榮瘁誰同期  
自非歲寒際安得知操持

送永新縣主簿王瓚赴任

劉定之邑人

永新縣志

卷三十五

藝文志

文徵

二

去家二紀餘豈不念桑梓莫能比鄉人  
愧此禾川水所望有賢才  
琴堂共政理田畝樂豐稔庠塾敦經史  
使我何年歸雞黍歡鄰里  
臨期送縣簿停驂更徙倚柳風吹行袂  
雨後涼如洗勉哉慰民瞻  
况以報天子

豐溪別墅

左鼎邑人

結宇依崖晴開軒面平曠林巒抱村墟  
田疇亦在望鳥啼深谷響  
花落春流漲耕讀有餘閒山水窮殊狀  
散筵仰峰青披雲出疊嶂  
理棹泛湖波乘月弄輕舫情閒性爲樂  
意適神自暢求名竟役名  
於此能無悵安得暫逍遙極目豐溪上

戴氏靜軒

左鼎



幽懷樂恬靜軒構洞虛敞長掩白雲扉一謝紅塵鞅山水舍餘清  
絲竹息羣響雨砌莓苔封烟徑藤蘿長豈無致遠意亦有延年想  
世俗急紛華狂瀾盪輕槩回視個中人悠悠邈天壤

偕念菴諸公集石屋

甘公亮 邑人

石室茲重遊尋我花谷石細路入林深不見舊苔跡煙霞最深處  
茅亭藏石隙娟娟梧桐影露坐遂忘夕高秋入我懷水月漾虛白

昊天觀勞諸君饋食示諸生

鄒守益 安福人

千駟與首陽聖門垂象魏法好世莫傳顧以貪爲諱請看惜陰約  
盤飧無兼味元精漸收斂浩歌多爽氣及茲淵默堂日勞酒食費  
豈不飭臙甘居然困腸胃信哉一簞樂不齒萬錢貴持此喚羣醒

永新縣志

卷二十五

藝文志 文徵

三

羣醒少瘳未

南樓話別謝半溪徐侯及同遊諸彥時兒義美侍行

侯名丙

鄒守益

南城對屏山下瞰禾川流登城騁四望山川鬱綢繆徐侯六合胸  
坐我百尺樓靈雨及遊行盛夏成清秋是時羣彥集聲氣正相求  
詩書敦郤穀風義重大印各持百年身共追千古謀粲然飢飽喻  
毀譽皆浮漚皇皇洙泗路蕪穢久不由豈意絃歌地彷彿見子游  
呼童歌新詩日晏任去留嘉會永無忘勵志希前修

勸孝歌

顏鐸 邑人

世有悖逆子浮生空碌碌不識父母恩殆似生枯木百骸未成人



十月居母腹渴飲母之血飢殮母之肉兒身將欲生母身如在獄  
父爲母含悲妻對夫啼哭惟恐生產時身爲鬼眷屬一旦見兒面  
母命喜再續自是慈母心日夜勤撫鞠母卧濕簟席兒睡乾衲褥  
兒眠正安穩母不敢伸縮全身在臭穢不暇思沐浴橫簪與倒冠  
形容不顧濯動步憂坑井舉足畏溝瀆乳哺經三年汗血及幾斛  
辛苦千萬端兒至十五六性氣漸剛強行止難拘束朋友外追陪  
酒色競嗜慾日暮不歸家倚門至昏旭兒行十里程母心千里逐  
一娶得好妻魚水情何睦看母面如土觀妻顏如玉母若責一言  
舍嗔怒雙目妻若罵百句陪笑不爲辱母披舊裙衫妻着新羅縠  
不避人憎嫌不畏人慚忸父母或鰥寡長夜守孤獨健則與一飯  
病則與一粥襖禱甚單寒衾枕不溫煖棄置在空房猶如客寄宿  
將爲泉下鬼命若風中燭一旦謝塵世孤墳殯山谷魂靈在幽壤  
誰念常踏跼三年喪服滿兄弟分財祿不念二親恩惟念我之福  
人不孝其親不如禽與畜慈鴉常反哺羔羊猶跪足勸爾爲人子  
經書須誦讀王祥卧寒冰孟宗哭枯竹郭巨埋親兒爲兒減母粟  
董黯不入市爲愛母叮囑伯俞常泣杖仲平身自鬻如何今世人  
不效古風俗爲爾作長歌分明與世告勿以不孝頭枉戴人間屋  
勿以不孝身枉着人衣服勿以不孝口枉食人五穀天地雖廣大  
弗容忤逆族早早悔前非莫待天誅戮

偶題二首

劉光震 邑八



偶題者何禾川丙子以來三年間事前此未之聞也偶讀杜少陵新安石壕無家別諸詩當時涔涔淚珠自眼眶落手自手腕落紙血腥至今可聞惜予非其人也據實志之以儆後云爾

禾陽生民瘁橫政無所避幕客多狎暱連衡日擁篲朱提橐無底蕩產難爲贄王者人黃語倏忽加鉗錘帶血埋幽禁鍛羽無處試隔壁告妻孥曰吾唯爾冀妻孥不忍應鬻兒當簪珥豈能厭求索然猶在吏議金盡身不免仰天數行淚長跪倖嬖前進金作酒費宛轉號乞命彼故肆謾言微颯色稍和暗地資半臂脫身爲平人養殮不能備飢寒日夜侵索逋晨又至薄言懇往事如何不酸鼻訟煩民無措屢空厪宸諭率土祇成憲孰敢愍不顧禾故巖邑也

永新縣志

卷二十五

藝文志

文徵

五

窮絕資生路卵翼虞彫殘質成豈縱靈今開投匭令有期不須赴點者歡若狂搢搢爭先訴開牘月常滿賦賦猶未任後者鵠亦鴉先者繼亦素百年何人論一夕失其故負屈纔出口金木已交具權倖手高下瞞天索重賂強項忽低首煎心始改步雄行睨道旁惴惴私通憐予求不汝瑕予取焉能怒冀道旦夕責羞向他人吐

端午日弔亡姊莊烈君

賀貽孫 邑人

吾姊秉光志貞心皎如水投江輕一身千騎盡披靡百折氣不回甯爲中原鬼有弟棄諸生艱危惜一死逃竄山與谷蒙恥事筆紙年年逢此日投詩汨羅裏今晨復何事酒黍酬吾姊湘江咫尺路吾姊與屈子綉蘭以佩之男兒應如此經時拜爾墓青草已累累



我哭政吞聲風雨猶未已

永新道中舟行卽事

國朝邑令 黎士宏 長汀人

河水細如線峯峯見兀碑散石亘中流奔雷喧日夕山寒鳥不飛  
微雨洒衣溼牽纜百尺高隔樹明人迹薪煙望目勞羣虎見跳擲  
長吏本京德敢怪爾充斥四顧井邑荒吁嗟悼行役

下水苦逆風上水苦凍雨雨凍手足僵竟日行十里岍花歇眾芳  
磷磷見冰底勉力事宵征眾聲合邪許孰知舟中人心更勞胼胝  
一官不自愛致身等腐鼠空歌行路難艱辛用自取

送邑侯黎媿曾先生陞任鞏昌

葉擎霄 邑人

才人屈百里姑射駐仙車勾漏何堪戀來只爲丹砂丹成足點染

永新縣志

卷三十五

藝文志

文徵

六

嵐光變紫霞玉京下鳳詔飛鳧別山家父老簇馬首相望泣平沙  
初因仙吏至九郊始蠶麻計俸方調鶴量地乃種花鐸聲醒懶夢  
琴韻換悲笳森森遊槐市戶戶樹萱華秋風起蕭瑟此樂寧復誇  
願勿忘井邑仁迴銀漢槎

山中感懷

閔秀 賀氏桂 邑人

人生天地間譬如桃與李百卉爭艷後漸隨秋草萎何不學松柏  
勁節難與比

題張韋齋秋山挹爽圖

韓 萊 長洲人

下宰治行稱神明哦詩公事餘快閣倚晚晴秋山實同壤  
巖壑遂且清予今分縣符勤思惠發焚雅識彈琴趣神聽知和平



吾老不解事無以贈子行詩筆匠門馬師承自難兄西江况舊游  
過家亦王程同床風雨話珍重逾友生侶登十年書設施看崢嶸  
風流良在茲要不愧短檠母使涪江翁獨擅千載名

甲申二月書事

邑令 張士琦 嘉定人

永新古州城人尚義與節長吏但鳴弦卧治繩可結自從膠海趙  
趙侯膠州人 劇鼠食不潔揮金等泥沙聚歛百計設日夕勤熬煎

膚剥髓以竭墳首見群羊中澤鴻磬切有空皆罄懸秋怨氣填咽  
虎豹森九關哀籲中遏絕弱者甘此離柰此尤黠築礮西恃險遠  
始不受銜繼攘臂試一呼綠野糧輟輟蠶起暨蠅集木斬眾竿揭  
洶洶數百人荷塘首作孽塵飛白日昏天傾地軸折坐困兩日餘

永新縣志

卷二十五

藝文志

文徵

七

膠海無解說乃更勞酒食請乞城圍撤丁丑月在子公案外覆滅  
自此鯨鯢驕三尺重陵蔑誰繼者鹽城夏侯鹽城人火也益加熱

既無仁恩施遠近俾來悅又鮮奇謀猷強令改改輟滋蔓日難圖  
具望淨芽蘖服物恃刑威往往遭掣跌侮慢結習牢冠裳不勝褻  
視官猶蠅蚋惡聲更恣熾甚者積薪炬行署幾焚威區區戶若几  
蹂粉僅一映如是越數四隱忍莫由計琴亭十八都狗盜草盡竊  
弄兵任潢池良善坐阨隍有虎或入市攫噬紛酷烈至乃在官帑  
瓜分盡擔挈警邏急追奔長戟奮曉血却恐省府知秘之勿敢泄  
小人何忌憚而不知齒齧嗟嗟到隆世九有真有截誰非吾赤子  
鹵莽更滅裂禍胎實膠海殺人不假錢易暴不知非林林盡魚鼈



我來恨已晚才德兼薄劣憫茲燕雀儔恬弗念突夾砥志迴狂瀾  
窮力矯前哲下車汰雜徭務令源澄徹鉅細次第舉一一漸振刷  
自揣再歲來幸不染緇涅百慮籌民生心嘔力拮拮撫字徒爾勞  
科考甘拙倖得大吏賢矜肘免牽掣挽回有機闕履尾常不匝  
面革庶及心咸正罔攸缺不謂厄運乘凶履亟更迭屈指大災五  
周餘慮靡孑梁木矧先摧糞壤逞蜚蜮故智一夕萌搖蠶鼓簧舌  
罪歲或披猖狐虺肆饕餮繼乃毒轉攻兩鼠劇鬪穴國君慣舍詬  
若輩熟付絜自昔十載餘瑕類疇摘抉崛強其如余尸位斷不屑  
直以去就爭國恥會須雪肯爲蕭艾榮顧影每蹙躄誓當達大吏  
上狀細臚列一官等浮埃束著不用揲

永新縣志

卷三十五

藝文志

文徵

八

李節婦守志五十年日茹野蔬不知菽粟爲何味言之酸人

心鼻因作野菜吟

譚尙迺

邑人

行行度芳洲野菜碧菱葑厥名阿誰箋厥味腹長載采葉不采根  
根餘葉可再薄命憶青春夫子憐早背井水不生波孀帷泣枕塊  
饑肯乞人憐穠英隨意刈火餐忘菽粟甘苦未割愛荏苒五十霜  
日月信癩代西鄰三五家蓑笠爭來佩快意在斯瀆施施多驕態  
比歲苦不登粒米憑誰賚嗷嗷滿室中憔悴面相對天地一蘧廬  
奚所悔不因豐年樂不因凶年愾白雲青松堅白髮丹心在  
采采攜籃歸夕陽金花碎

讀書里潺山莊

尹

掄

邑人



就靜入深山山屋雲橫几宿鳥不驚人蘭氣度牕紙抱膝共誰言  
出戶覓煙水徘徊忘歸來秋月印中吐

示蕭湯二生

湯名宇康邑廩生幼負文名年三十  
賞志以沒蕭萬安人

國朝劉 繹 永豐人

幼慧古艷稱驚奇我未見士爲文翁出翩翩多秀稿中有二雛鳳  
玉映尤堪羨文場初及鋒三莖脫稿便餘勇誇記誦任舉經與傳  
堂前指試題故實窘羣彥解圍乃小郎一軍驚試院更示未見書  
長篇但流眄循環令反復一珠貫線大守愛才心得此益歡怍  
腹笥欲其充推食有公膳體段望其大量衣有官絹謂我忝師席  
雙雙介請見我本空空如執經愧北面顧茲磊落英敢爲芻蕘獻

永新縣志

卷三十五

藝文志

文徵

及八

美玉攻他山精金出百鍊先開花恐傷易沽價必賤庭前養雙梧  
培基更除蔓不憂干霄難立根要剛健古人非甚愚讀書每千編  
小學本庸言畢生難體驗羨子不離膝依依尙孺戀所學在長昏  
所親非筆研世豈無英姿未幾笑而弁朝旭方東升光彩一何絢  
計程歷尙遙努力期無倦文史足方朔正字作劉晏奇慧奚須謔  
德業副余念



送劉元忠學士還南京

以下七言古

宋梅堯臣

昔見相公登瀛洲今見公子爲校讐  
鯢鵬變化三十載我生安得不白頭  
君前拜恩父前慶暫向南都乘順流  
南都留守頗爲喜將吏入賀靴聲道  
酒輿銀甕羊臠炙上下和煦移涼秋  
歸來却上柳堤路西風健馬控花虬

答永新令寄石耳

黃庭堅 賓州人

飢欲食首山薇渴欲飲潁川水嘉禾令尹清如水寄我南山石上耳  
筠籠動浮煙雨姿淪湯磨沙光陸離竹萌餅餌相發揮芥薑作

永新縣志

卷三十五

藝文志 文徵

九

辛和味宜公庭退食飽下筯杞菊避席遺芹蘼雁門天花不復憶  
况乃桑鵝與楮鷄小人藜藿亦易足嘉蔬遺餉荷眷私吾聞石耳  
之生常在蒼崖之絕壁苔衣石映風日炙捫蘿挽葛採萬仞側身  
委骨豺虎宅佩刀買犢劍買牛作民父母今得職閔仲叔不以口  
腹累安邑我其敢用鮮菜煩嘉禾願公不復甘此鼎免使射利登  
嵯峩

永新譚漢卿求筠坡書院詩用誠齋韻之意而推廣之

周必大 廬陵人

軒窗彌望猗猗竹有斐切磋琢磨足天籟鳴風異絲木晝夜鏘金  
戛球玉碧梧空有棲鳳枝何如以實飼其兒扶搖下視鴻鵠陂附



翼會集夔龍池

四美堂

楊萬里 吉水人

義山禾山在處在明月清風無地無光祿子孫甯底巧不應造物  
獨私渠君不見謝家名子取四字段家作堂兼四美主人自有筆  
如椽何用殷勤問楊子

送永新杜宰解印還朝

楊萬里

去年摘山初弄兵永新縣前戈劍腥杜侯不持一寸錢閉閣堅卧  
民不驚軍前米作山川聚木牛流馬安用許但令綠林無點塵何  
須爛額畫麒麟紫皇急才宵不寐斯人合著班行裏速騎疋馬謁  
明光夜來溪風吹玉霜

永新縣志

卷三十五

藝文志

文徵

十

送吉州解魁左人傑詣大常

人傑利見于時年十五

楊萬里

高皇一馬化龍日臨軒策士誰第一玉山山下汪端明年才十八  
第一人聖人來年集英殿黃繖中央橫玉案何人再續老尚書禾  
水左家千里駒春秋三傳貯胸臆買紙待購晁董策君才盍與汪  
相先君年更少汪兩年

贈劉子綸

元郭鈺 吉水人

廬陵周愷文章伯語語談君不易得嗟予今日走風塵到今未覩  
真顏色聞君早歲抱奇節胸中磊落太平策玉龍霜冷光欲飛蒼  
隼秋高影孤掣交遊四海多才傑自合貢之天子闕綵筆題詩衡  
嶽雲畫船拋鼓西湖月衣冠王謝自風流賓客秦黃最超越往年



仗劍奮忠烈戰袍紅濺猩髓血草檄未吐陳琳詞種柳已近淵明  
宅酒酣氣漲激天風一聲長嘯層崖裂登山臨水澹忘歸聽雨看  
雲頗愁絕茫茫世事應難測英雄莫遣頭空白寒盡春生剗雪霜  
海濶天高排羽翮何當攜手銅駝陌蓬萊羣仙朝帝側醉把溟波  
膾六鰲老懷浩蕩從君說

送彭丙翁胡復初采詩

吳元可 邑人

君行爲我觀海潮淞江亭下風蕭蕭君行爲我泛湖月蘇公提上  
楊柳雪只今何處不聞詩南音寥寥君得知海風吹寒翡翠尾秋  
露滴老珊瑚枝山川光怪豈敢闕采之采之盡君意願君勿學梁  
昭明是非未定輕閑情願君但似吳季子四海之風定誰美馬蹄  
永新縣志 藝文志 文徵 卷三十五 十一  
跌蕩輿地開幽燕浩浩風雲來丈夫西遊今可矣前日江南數千  
里

次吳莘樂和家信國公上巳詩

文魯麟 邑人

朔風揚塵滄海覆五月嚴霜下幽獄南雁盡飛北塞雲胡馬慈肥  
吳地綠一木難支大厦傾孤臣淚洒量沙斛却秦不見魯連豪復  
楚那有申胥哭崖山擒上螺江船勁氣凜凜摩秋天平生讀書千  
萬卷傲睨軒冕如輕煙此身已墜顛崖裏落葉隨風吹不起九京  
千載忿難平臣頭可斷心不死睢陽城中霜露淒首陽山頭采薇  
薇殺身成仁同一轍遊魂夜繞燕臺飛厲鬼可能誅逆賊衣襟猶  
帶侍中血風雨六年三月三尙有神人護香墨嗟予好古生後時



幾回夢想英雄姿讀罷遺編三嘆息收入青原貫日詩

送龍子高之湖廣

湛碧虛

渥洼水中天馬駒一日一行千里餘即君磊砢亦如此俊才往往  
為時需去年攜雲遊衡嶽遙見秋空飛一鶚大藩諸侯重文章致  
身忽入芙蓉幕青春奉檄升高堂彩衣婉婉秀眉長捧觴攜酒為  
親壽獨騎匹馬行三湘湘中故人候君至爭采蘋花寄春意定王  
臺畔煙雨涼楊柳青青已垂地我尋舊隱東山阿望君不見思如  
何江頭春水渺相接日暮碧雲天際多

琴劍歌送龍子高提學之閩

張籌無錫人

王郎贈君龍泉之劍可三尺綵緹消磨土花蝕桂子贈君神鳳之

永新縣志

卷三十五

藝文志 文徵

十一

琴無一絃錦囊零落珠絲懸千年舊物連城壁持至京都人未識  
黃塵暗天冰塞川拋擲幾年同瓦礫今君張其絃淬其鏑鳳忽有  
聲龍露角都人相聚走相傳齊瑟吳鉤俱寂寞脫穎不啻囊中錐  
文章煥爛雲錦機得官歸來東海涯二物無恙還相隨相隨又下  
閩南路我作長歌送君去日暮三山不見雲文星一點天低處五  
月初旬花滿城榕陰駐馬聽啼鶯荔枝新劈江家綠翠杓銀罌莫  
暫停白日易西匿江水無迴波請君再舞王郎之劍彈桂子之琴  
歌我之歌故人之情不我極千里相思奈爾何

城南樓

釋惟則

城南樹尾花風晴城南樹下漁舟行隔溪竹屋數家酒矮離路轉



人縱橫仙山石洞在眼底塔竿倒影滄波明相期待渡日已晚坐  
看平野青煙生

贈大尹沈公美任赴京

明段所

擗停五鼓鷄聲絕啼鳥飛起東方白沈侯下馬上官船牽挽留之  
不能得意昔下車惠我黎民犬不夜吠民樂春耕世紛走蜂蟻侯  
心了如水龍潭滙秋波一味清徹底時得餘閒事幽討沅芷澧蘭  
淨如掃煌煌官署煥增修較之初來百倍好宏農宣德化張堪可  
方駕加以明怒風從容到黃霸玉筵行催鴛鴦班姓名早入麒麟  
畫三載如一朝一旦登青霄江梅春信早開向赤欄橋侯不少留  
我心悲問侯此去來何時別侯之意如禾水流到金陵數千里

永新縣志

卷二十五

藝文志

文徵

十三

題秋山圖沙田劉憲本席上賦

劉定之

我愛秋山真崔嵬龍猛虎怒從天來高摩蒼極一規小下壓后土  
八軸催寒巖露骨藏古雪飛瀑落耳轟震雷鳥棲踏碎老藤雨鹿  
跡印破巖巖苔幽人結屋於其下戶牖多面山光開空翠晴飛潤  
衣桁野芳時摘薦酒杯月明或聽山鬼嘯日昃坐數樵人回秋山  
景物有如此我欲上築讀書臺高揖天公辭銀漢坐令沛澤遍九  
垓華堂看畫心何壯一飲未覺空金壘

歸禾川酬諸同志

鄒元標

吉水人

六載之前禾川去六載之後禾川歸記得扁舟江上來士民相聚  
牽征衣長沙一去何時返相顧不禁淚自揮贈之驪歌飲我酒如



斯高誼古今稀  
恭際聖時得歸期  
故人道旁迎嬉嬉  
笑我不殊麋鹿性  
依然還怡邱壑姿  
去時正值桃花放  
歸來亦在初春時  
重指桃花固堪喜  
憶昔艱危益可悲  
擬共山中結歲盟  
只因新命自丹墀  
篋中短劍難分贈  
聊寫長歌慰相知  
借問何以慰相知  
重此江門千古身  
重此堂堂千古人  
廊廟江湖俱有事  
神交切莫負青春

送郝使君元洲還蜀有序

甘雨邑人

侯之爲永新也  
豈弟近民方之古  
遺愛幾矣其先太父中丞公  
以忠厚立朝  
翁倫山先生洎諸父趾武賢科著績郡國聲聞卓  
然厥有自哉  
歲癸未八月家人以翁訃來  
侯號痛欲絕恨不鼓翅西還而又難去  
吾父老子弟送者載道數至泣下大都真性

永新縣志

卷二十五

藝文志

文徵

十四

所自來乃借諸薦紳以贈言

郝侯侷儻不羣材  
少年意氣傾九垓  
雄文早冠成都士  
駿骨旋空燕市臺  
漢家天子簡良牧  
我侯當剖禾川竹  
道上陽鱈不敢親  
城邊車馬歡相逐  
侯也經綸斯橐籥  
塞帷一一咨民瘼  
御眾恥存鉤距  
機處身凜若冰霜  
皜已見桑麻秀  
兩歧復憐桃李鬪  
芳菲東陂田父歌  
來暮西舍兒童樂  
不支噫嘻巴蜀饒  
才士我侯況是名家  
子世父中丞專持節  
嚴公作令令亦隳  
黑頭解組營菟裘  
文印還將付吾侯  
斗酒我窟堪肆志  
扁舟巫峽足夷猶  
盛履人間多取忌  
悲風一夜靈樁悴  
幽明兩地無見期  
萬口籲天天何意  
我今載酒向侯別  
一淚一觴情逾迫  
蜀山知在幾萬重  
禾水含淒似欲泣  
侯



莫學誓墓翁古今大孝惟精忠侯莫作北山歌王事靡盬且柰何  
木蘭江上送侯行片語肝腸還暫停姬公兒郎名公孫願言千載  
尋芳聲

禾山謠呈王大中丞

蕭純邑人

中丞撫我西江土我謁中丞在南浦感公醕醪沃我腸頻頻問我  
家何所我言家住禾山西公曰禾山子盍譜承公問我清幽况點  
綴峯巒貢天府雲泊秋山任卷舒月漾天湖自吞吐五老凌霄莫  
與京雙童立雪孰堪伍龍溪曾留魯公題松聲猶傳澄源鼓七十  
一峯紀輿圖一十八賢續禪祖當年姚相寓其中臺荒頻見苔蘚  
補昔賢既往今又來伫看徽猷追千古

永新縣志

卷二十五

藝文志

文徵

十五

史節婦詩

有序

賀貽孫

節婦史氏龍公諱瑞之妻也年二十二孀居撫孤不嫁一老僕  
爲供薪水及僕孤俱死有孫凝齋公諱鼎備書以養目盲齒落  
則含飯以哺也每持祖母苦節狀朝夕哭號告縣求旌植縣公  
新下車以屢哭爲不祥也杖之負痛復哭不止縣公感悔卽爲  
請旌會修邑志尹大史遂紀其事史氏年九十二始卒凝齋公  
躬負土以葬凝齋子外祖也公老病子母宜人亦含飯哺公先  
大夫曾作史氏傳予不肖因爲詩以述之云

龍家孀婦心似鍊鴛鴦塚旁穿雙穴忍死爲誰誓波瀾泣抱孤兒  
庭且瘠洗粧朝朝避菱花猶恐鏡影看成匹獨留一僕七十餘有



米無薪掃秋葉誰知中道竟零丁孤兒老僕亦相失晝哭藁砧暮  
哭兒玉筋雙枯眼無血喪明况是斷腸人愁兼病老飢寒切重泉  
有語若爲傳鬼媪淒淒暗相索有孫作字小如蠅鬻字換錢供香  
粒齒落唇焦不得嘗含飴嚼飯相哺食終年不忍出戶庭鄰叟言  
之尙垂泣逡巡斲齒九十齡解衣負土封窀穸烏獸哀鳴秋光老  
北邙徹夜盡啼鴉三升熱淚灑公庭數行冷墨勞史筆熱淚冷墨  
何淋漓節孝精神貫日月君不見譚婦八磚歲歲紅龍母一塚年  
年碧又不見忠義之潭遠龍門浣梅灌桂香不歇

春星帶草堂

爲邑侯黎媿曾咏

國朝葉擎霄

夙生詞客喜浣花百花池邊却爲家指點疎籬開竹扉邀得春風

永新縣志

卷二十五

藝文志

文徵

十六

送紫霞雨過閒池樹色新南箕北斗盡含春孤影熒熒生寂晤獨  
有清光垂照人杜陵遺韻何曾老又向玉署學仙島花城遍洒金  
莖露園林是處產芝草神閒依舊常戴星歸來明星在草庭携琴  
一曲和露奏睡鶴無心伴花聽春風吹星星欲燦高山流水指上  
換無人解道草堂意共被餘光墻外看

悼葢姑歌

有序

賀穉恭

邑人

丁亥遇亂郡陽青衣葢姑遇賊被執大呼曰有主在能從汝乎  
賊射之遂赴洛死嗟乎臨難不屈視死如飴求之鬚眉輩亦何  
寥寥乃婢子可以無死而卒死焉可嘉也因爲詩悼之

殺氣轟天天欲滅錢騎撇烈衝山穴青山百里徧哭聲香雲幾侵



劍光熱阿誰抗賊有女奴嚙斷劍光憑寸舌雙鬢未總眉峯秀再  
拜馬前長決絕馬前泣拜辭故王主恩不再心獨苦一箭初落碧  
寒池血噴芙蓉濕可譜游魂血濺歸不歸遙見孤燐飛雲浦節名  
自古推男子誰向女奴較生死男兒生前殊意氣死後何曾識姓  
字亦有姓名汚史筆縱活千年總蕭瑟不知山間使女一捐身至  
今堪感路邊人

明府黎媿曾新構豐雪亭成率賦以志燕喜亭在葛仙壘

此詩旅亭內重見

賀穉恭

喜雨曾名公亭古人何事不心經只爲民瘼關至極自是天心  
亦効靈古今人豈不相及昔有眉山今長汀三載政閒四境靜暇  
永新縣志 卷二十五 藝文志 文徵 十七  
築小亭葛仙壘勾漏仙風拂袖來一天彤雲瑞雪零林凍雪深鳥  
不飛千峯萬峯列銀屏烟市酒帘敲冰馬縣門草長露微青公曰  
喜哉歲豐登以名吾亭答蒼冥民曰休哉我公之德非亭是銘迄  
用康年惟公是聽臆盡春回雪未消山中老人醉初醒

秋山謠送別黎邑令媿曾

賀紹孫邑人

芙蓉花艷荻花蒼使君去我赴鞏昌上書撫軍留不住簡命方新  
促行裝白頭老翁山凹出起拜道傍含淚說他鄉各自說恩波如  
我恩波未易悉我家住在秋山西山深屢遭胥吏欺年年鬻賣了  
租賦不註完冊註欠遺前官嗔怒發兵格男女縲絏道路塞天高  
難呼窺氣沉白日不照囹圄黑公來戊申八月中殘邑枳棘變花



封下車蚤將民隱悉却憐杼柚遍小東呼向堂前檢簿對盡是前  
官虛交代重徵不忍蠲不能盡藉俸錢爲我貸幾年繫繫反故廬  
鳩巢鵲哺認舊雛贖完兒女悲復喜爭來挽鬢復牽裾蒞政三年  
太平好潢池靜寂綠林掃山村有路通城郭狂狴無人生春草纔  
得三年獲所天詎意琴調遽更絃譬彼嬰兒食母乳舊母乍離依  
新母新母雖復仁且慈何如舊母恩膺彼沉疴遇良醫前醫  
纔效卽新醫新醫雖似盧與扁何如前醫起我痺慙慙再拜官道  
裏酌獻琴亭一杯水他年零雨遍九垓願垂膚寸亦如此

題張邑侯秋山抱爽圖

李絃

七十一峯小南嶽吾鄉鉅麗誇秋山朝陰夕暉態無定拱揖衙舍

永新縣志

卷二十五

藝文志

文徵

十八

相迴環清河佳令神仙客手板朝朝對清碧傳聞乖厓分太華何  
似此中君獨得我來老盡秋山秋颯然餘爽豁兩眸湘簾半捲翡  
翠入清尊不動瑤璃浮使君政成山亦喜滿貯烟雲潑螺子千秋  
萬訪勝事應問秋山誰重汝

題邑侯張韋齋帥秋山抱爽圖

賀是邑人

南方之山宗衡山茲地秋山與之韻七十二峯峯等夷倚天且與  
祝融埒諸峯四岵翠欲流煙消嵐淨更宜秋使君卧理琴堂曉西  
來爽氣望中收收盡山光併秋色不澹不濃描不得輦下何人寫  
以圖當今妙有倪黃墨墨妙妙能繪曉風山光一洗發圖中圖耶  
山耶秋一色畫工之巧奪化工化工畫工清無極清境長在使君



側舊是此山打鼓人再來相賞還相識相識相賞不模糊人在琴  
堂山在圖一時大名驚海內詣公題跋夫豈徒

送袁昌先生輟請歸文江歌

賀 雍邑人

文山祠前禾水遶禾水禾山青未了源頭直與鑑湖通扁舟湖上  
發清曉文江美人三益友舉我行觴執我手問我行當歸去來君  
當於我有言否愚性由來懶詩篇况逢離別心忙然雄談又非曹  
七步那能倚馬贈人言方今六合同車書滄海茫茫多遺珠杓水  
椀茶君莫措伏盥蹴畜我心悲我心悲兮君莫悵陶潛杜甫豈卿  
相北山移文不足誦東山高卧蒼生重君年適與我相當我才不  
及君才長君今學問爲人師人生便是穎脫囊古來賢俊皆浪遊

永新縣志

卷三十五

藝文志

文徵

十九

囊空豈足爲君愁江漢清澄傲筍在蒙身還是黑貂裘君今歸去  
事何如今年菊對去年籬日暮齊眉供舉案還聽鷄鳴問綵幃明  
年二月桃花開又是江湖入夢來試把多情看燕子舊梁泥點新  
莓苔我從少小厭青衫十年心苦佩龍泉羸馬難行朝露冷蠹魚  
慣走夜燈前握手與君嬉相逢愛君不入利名籠別意漫道流水  
空霜葉欲染醉顏紅險語琳瑯拂西風安得大紙加牕篷

龍湖漁者行

有引

賀 是邑人

禾陽之北有勝地曰龍湖龍湖山幽而水秀中有逸人散髮彷彿  
佯姓劉名燦字大房余以其人有古隱君子風作龍湖漁者行  
以贈之



龍湖之山山蒼蒼松林蘭皋烟微茫龍湖之水水深深觸石如語  
如鳴琴中多龍蛇不可測虎豹麋鹿紛相得更有幽人把釣竿掩  
映湖光與山色山根湖畔一橫艇其中應是漁人家何處一聲棹  
歌發喚起洲前蘆荻花余亦煙波一釣徒扁舟乘風自五湖與君  
相賞不相識與君邂逅成良圖君不見瀟湘漁父歌濯足有客行  
吟抱幽獨君今鼓枻何髣髴余亦顛顛骨相續又不見武陵漁子  
桃花春冥搜情見洞裏人君今曾不越魚磯坐對余也疑避秦余  
聞稅不到魚蝦此中一往足生涯釣罷便飲便歌晨風夜雨任  
橫斜惜余五岳逐雲煙不得從君長起眠君能它日禁愁思應寄  
招我歸來篇

永新縣志

卷三十五

藝文志

文徵

二十

劉貞女詩

劉世衢邑人

竹哭梅啼慘不昕陽春杳杳雪霜紛阿誰克乘歲寒節應教鬢眉  
愧釵裙有女有女出祿閣雙親幼喪無手足畫屏恪得中雀人許  
纓旋復傷埋玉無計韓朋塚鴛鴦禮不成婦甘未亡一心辦作嚴  
家鬼徹環毀填被編裳我將貞心比月潔纔及三五圓又缺我將  
貞骨比石堅有時廉角虧不全旦旦山河勢莫移幽懷期與泉下  
知三百篇中肆纂組別調笑過栢舟詩况復劬勞念父母若敖之  
祀計長久姑老旨甘具昏晨繼絕百圖爲主後爾姓重任一身擔  
烈烈幹濟等奇男漫待大史如椽筆藉甚清聲播街談世上頽風  
日波靡滔流何恃立中砥綱常不墜在千秋莫道補天非女子



立孤難爲耿節母作

劉世衢

立孤難陳家有母銕心肝廿六年中鸞影單  
熒熒兩雛方在抱孀幃泪目幾曾乾  
蓼可集茶可餐歷盡桃李三月春甘自青松守歲  
寒傳家惟餘數卷書課勤柳母手和丸丸有香  
兮胆却苦鞠子憫兮雨一般立孤難令人聞  
此起長歎古來社稷臣獨憑一寸丹堅貞貫  
金石滔水爲迴瀾風雷並激烈天地相際蟠只  
今裙釵有奇傑媿煞醜然偉衣冠評出校史  
端官載口筆垂法觀矧復九重降寵命峙矣  
巍楔基盤盤百世傳聞人興起應作女中程  
嬰看立孤難一庭彩羽盡國華當年梳刷之  
力良已殫

龍池蒸霧

陳方準 邑人

永新縣志

卷二十五

藝文志

文徵

二十一

大洪派衍崑崙乳山下靈湫辟寒沍構結草堂  
面山凹夕朝時裊紫黃霧變化離奇難狀名  
蜃樓海市在指顧陰之精兮陽之凝摩盪陰  
陽一氣佈沸沸烈熱消重霜煦煦融膏散積  
露豈是炊烟飛故城鴻濛混沌乍陶鑄虎豹  
遊藏生清風蛟龍遊戲養甘雨池上行人多  
眼花徃來應愁不識路

讀憨齋先生文集暨元音片釋題句志感兼以留別

左南華 邑人

和靖先生老著書薄視宦海拋銀魚架插圖  
史盈萬軸雲鶴何讓潯陽廬閒煮茶烟松入  
夢且步風月任吟弄烏絲白練徧人間潑  
墨淋漓吐紫霧自從隱侯標韻譜四聲八病  
誤千古手眼獨出著



元音片羽直將天吳補昨暮貽來鹿石編滿目琳瑯星輝躔薔薇  
盥手再三讀翻盡舊巢傳真詮杜陵之詩昌黎筆歸然德望尤超  
逸我欲元亭頻問字鞭縮義山終乏術

題文生西鎮雙栢蔭蘭圖

王鼎陝西人

文生樞衣來坐隅啓匣示我雙栢圖圖中兩樹屹相向霜枝雪幹  
何盤紆其下叢叢列階砌蘭芽怒茁爭芳敷謂是先世栢舟節靡  
他矢志婦與姑姑年二十所天殞撫孤成立天又奪其孤斑斑血  
淚重迸湧傷哉心苦真如荼爾時婦年剛十九遺雛兩月聲呱呱  
婦戴有姑提有孩撫衾何敢輕捐軀姑語阿婦且忍痛與若鞠育  
同勤劬可憐空錯勞巧婦炊煙時斷貧家廚機聲軋軋夜不絕雪

永新縣志

卷二十五

藝文志

文徵

二十二

花撲簷如掌麤相看四目增欷歔飲水茹蘗歷歲月春回草木忻  
昭蘇孤兒學成矯健翻訓秉畫荻希名儒媼雌兩世得反哺樹頭  
夜夜啼慈烏惠心仁術更敦勗不專儉嗇歌山樞奠安宗祏老屋  
輪潔治荒塚驅鼠鼯長橋如虹道如砥利益惟願周枌榆如茲大  
義明巾幗懷清巴嬭稱非誣姑婦並享黃髮壽曾元繞膝供懽娛  
家祥人瑞炳奇節芝泥疊錫蒙恩殊卽今松楸鬱鬱歸同穴貞  
心一卷留得丹青摹吾聞此語肅起敬披圖審視重歎吁豈無天  
桃與穠李春風披拂美且都賦姿柔脆易搖落何如森森翠栢蔭  
長鋪乃知天心最仁愛磨鍊不惜冰霜俱文生文生節婦孫蘭芷  
會看升庭除文章炫世徒區區植立要在節不渝試看古來棟梁



器參天拔地無時無

戒鴉片煙詩

柏梁體

曠成春

鴉片毒煙古所無傳自西洋之賈胡紅夷製此迷鄰區吸之強壯

成羸躍海中島國半遭屠從此計得心逾麤踞咬啣吧作通衢咬

吧今小始以尼羽多羅沽兼將鐘表易漏壺明永樂宣德宏治間先後通洋勝國

帝舶東南鋪奸瑠膠混搜金珠其時煙害猶模糊卒啓倭患滋萑

苻瀕海七省咸毒痛壯哉總戎戚繼光與俞大猷練兵簡械浙之隅策

逾宗憲籌海圖終令鯨鯢肝腦塗蹈瑕抵隙仍睢盱 大清定鼎

恩威敷鬼夷聞之欵關趨 如天浩蕩遍涵濡柔遠通商無束拘

康熙廿四年開洋禁其時煙害纔萌株鴉片丸藥同蒿蕞百十餘載潛生瘡粵

永新縣志

卷三十五

藝文志

文徵

又廿二

閩嶠氓頰載料可憐無知貪歡娛精血耗竭骨髓枯其時煙害延

通都翻謂食之神如酥嗟爾煙鬼何其誣 睿皇宸斷發訐謨登

申科條誠齟齬時因平海功奏膚分遣餘黨多逃遁散向外洋鉤

狼狽窞口蘊船藏匪徒奸商蠹弁悉護符白金千萬望洋輸鴉片

麈至連舳艫民生日彫財日削煙害至茲真毒荼 聖主憂民至

誠孚遠猶適出黃鴻臚謂黃爵滋疏言有犯宜立誅紅夷聞之心膽慄

帝德如天周爰誦辟以止辟仍分途拔本塞源雪點鑪堅定謀成

忍須臾紅夷直比遊魂孤不創議撫盟終淦憑海爲巢儼負嵎荒

忽俶詭如短狐鯨吞豕突民何辜嗟爾紅夷洵頑奴我 皇赫怒

廟算殊胸看敵爾無完軀敬告當事先規模堅壁防奸選戈爰首



尾連環攻守俱禁嚴火藥水米芻好謀善應爭斯須要使稽顙隨  
嵩呼永絕鴉片稱臣俘嗟爾吸者盍思乎苦海迷溺今登梓彼岸  
非遙尙何需人人洗剔肝腸汗共遊壽寓醅醢酬從茲天下皆大  
酺父戒其子賢箴愚咸歌 聖主民其蘇

漢川士民歌爲曠琴仙明府作

公勿去我心慕親公顏掬和煦捍水築堤捐廉俸風雨晝夜勤救  
護已饑已溺視如傷一點真心感童孺公勿去攀轅臥轍求公住  
公還來我民熙熙坐春臺輕財不惜單寒拔愛士直如子弟培寬  
徭賦省刑威白骨亦蒙土一坏葬雷大守先人公還來陽光照徧仍復回

公勿去三年報政績已著

制軍密保奏公

興利除害不一端百姓飽德如

永新縣志

卷二十五

藝文志

文徵

二十三

食飢慷慨捐銀壹千兩考棚縣志一一布遇災撫卹垂滄慰救生  
救死典衣助公勿去何方何緣鳳凰任公還來我民日日望栽培  
慈懷煦嫗春陽徧仁恩蕩漾漢水洄不種柳不種梅直種靈芝千  
萬堆姓名已入三賢祠俎豆不共仙山頽公還來竹馬迎公公勿猜

補遺

贈劉給諫瑄

明大楊學士

榮泰和

天孫織錦機邊石燦若雲霞成五色乘槎仙人攜之歸騰入滄溟  
深莫測波濤蝕齧千載餘上產百尺青珊瑚馮夷捧來爲我獻文  
彩照耀扶桑烏君不見石家小兒肆行暴競巧誇奇真可笑高枝  
大葉似此稀不待搜羅能自到堯舜在上來遠人貢獻盡卻奇與  
珍我今有此不自惜持以贈子何殷勤歲寒別我金臺下春滿南



都到官舍此行樹業當何如須與珊瑚比光價

送劉元忠學士歸陳州省親

以下五律

宋梅堯臣

芸香閑和秩蘇合著新喪公子言歸日天王賜問優洽分周大宰  
禮重漢諸侯拜慶無如樂黃金作酒舟

贈僕射兼侍中劉相公挽詩三首

梅堯臣

處外諸侯重居朝聖主知祚逢庚子日夢異戊丁時歸榔江山遠  
凝笳道路悲欲傳千古迹佐世本無爲

古今皆可見富貴不常存歌者未離席弔賓俄在門朱輪空返轍  
綠酒尙盈尊人事固如此令名貽後昆

歎此微末跡見公三十年貴爲天子相能擇大夫賢東第門闌在

永新縣志

卷二十五

藝文志

文徵

又二十三

南州隴隧延上碑思叔子墮淚峴山前

挽劉丞相

歐陽修

廬陵人

南國隣鄉邑東都並雋遊賜袍連唱第命相見封侯念昔趨黃閣  
相看笑白頭盛衰同俯仰旌旆送山邱

賜挽贈左僕射兼侍中劉沆

仁宗皇帝

早富經綸業終成輔弼功立朝無黨勢爲國盡公忠此日悲遺直  
誰人嗣匪躬深嗟亡一鑑何以慰予衷

永新道中

江西詩徵作利登詩

葛起耕

丹陽人

冉冉螺川路茲行本不期地平風到疾山僻雪消遲漸遠鄉人少  
初行歧路疑斷雲無意緒直欲上梅枝



禾川秋興

歐陽鈇廬陵人

生計嗟烏有誰人問子虛西風五更雨南雁數行書衰朽兒童笑  
飄流歲月餘秋深新病起吾志在吾廬  
夜起集萬感胡為淹此留詩成夔子國人在仲宣樓絡緯聲中淚  
芭蕉雨裏愁遙知屢門倚應念有方遊

東山別墅

張熾邑人

抱膝東山下長年發苦吟松青盤古澗月色上空林鶴夢憐渠瘦  
梅寒識我心廬低雲可度莫漫鼓瑤琴

答幼黃友益二君子

張熾

僧寺曉鐘撞晴紅日在窗梳頭聊忘老濯足愛流淙浪靜魚銜月

永新縣志

卷二十五

藝文志

文徵

二十四

花翻鷺浴江登樓時舒嘯卽此是敦龐

和張提舉登永新興文閣

元劉詵安福人

邂逅成千載春風入鑄顏功名驚破白文采笑窺斑絕港行滄海  
南荒識泰山如何貞觀治猶恨棄程關

醜好原無定公心水鑑虛風霆同氣化椿菌自才殊羸馬寒花外  
新詩落木餘百年真幾見三歎獨躊躇

坪洲和子綸子琚

李祁茶陵人

上麓棲賢館雲陽借作家山橫吳楚界水合漢長沙邦計思劉晏  
兵謀媿左車不須重吊古骨肉共天涯

乙巳閏十月十五日聞永新破諸克就戮無遺喜賦三十二



韻 五言排律附

明劉崧泰和

鼓亂雄諸郡憑凶跨十年荆湖延毒霧漢沔注妖躩鳥獸甯殊類  
 龍蛇自一川羽毛初景附苞蘖忽根連掠野時乘間攻城亦破堅  
 踐攘螻蟻甚累係犬羊然里錄先鋒籍家亡世業田鯨吞那有間  
 席卷欲無前割奪封疆盛依乘節制專公侯淒喪狗奴隸歛登仙  
 白日驚雷破炎天積雪懸存亡覘貨賄喜怒信刀鋌誅責窮糠粃  
 需求到甕甄寡妻辛雨筏魁子負水椽徭役家家急科徵處處煎  
 田廬久焚落衣履極窮穿恠矣生民禍居然爵土煽積金明別塢  
 陳粟闕荒煙列地朱豐壯層城畫堞鮮椎牛醜玉醴躍馬鑄金鞭  
 事楚終懷誦盟邾或撓權郊端兵屢拙城下檄虛傳苟不罹勅敵  
 永新縣志 卷二十五 藝文志 文徵 二十五  
 能無感彼天假名徒虎負就縛竟蟬聯夜謀披心膂晨登奪旆旃  
 剗腸劇狐鼠啄腦任烏鳶崛強嗟何在繁華揔棄捐掃除應假手  
 覆敗已駢肩野昔畊無犢民生坐有擅飛霜收殺氣清旭麗居屢  
 禾水春前綠屏山雪後妍遺氓喜相勞早晚賦東旋  
 過上麓訪吳孟勤不遇 劉崧  
 憶過山中路都無半日程如何不相見從此又南征江海時舟楫  
 邊隅尙甲兵相思搖落景回首颯然  
 永新學署有感二首 賀守約 邑人

白髮新添歲寒梅共此心元正方 暖人日又逢陰江路春泥滑  
 山城暮靄深興文遺閣在感慨一登臨



一曲鏡湖在衣冠六百年家空無舊業世守有殘篇竹下紉蘭佩  
雲根漱菊泉相期歲寒操梅石共清堅

題戴氏靜軒

楊士奇 泰和人

草舍蔭松門青山綠樹村種蔬成小圃飲水必澄源每究賢人樂  
時同靜者論窮通自有命誰謂薄華軒

神源龍歸

蕭 鎡 泰和人

清溪深不測溪上人迹稀山口雨初過源頭龍正歸共看飛動意  
誰識變化機用汝蘇大旱豐年應可希

贈春坊張景良歸省

管 相

天邊辭鳳闕河上泛蘭舟千里還相思孤雲送客愁袂分荆樹晚

永新縣志

卷二十五

藝文志

文徵

二十六

帆落楚江秋獻壽萱堂後應懷覲冕旒

喜張進士叔豫見宿旅舍

李 楨 廬陵人

窮巷寂無鄰青燈共故人遠聲霜下磬孤影客邊身露冷蛩相弔  
庭寒月自親殷勤一瓢酒更與話酸辛

送戴教授禮北行

李 楨

別路三春雨行舟五兩風花香隨路減柳色上衣濃共是青雲客  
先成白髮翁離情如逝水萬折亦朝東

詠石人嶺松

陳 興 邑人

最愛石人嶺更奇石上松弄月娛元鶴潛雲隱卧龍長爲君子伴  
不羨大夫封夜靜天風發清音度遠鐘



題菜贈永新黃知縣

劉定之

大尹持廉操琴堂後種蔬霜根藏臃腫雨葉出扶疏未老龍頭鼎  
先揮鴨嘴鋤食他自有趣豈必羨熊魚

送文庭佩還鄉其家有信公天祥祠堂蓋其族也

劉定之

殘歲同鄉話春辭郭隗臺船衝鷗起去書寄雁回來祠柏懷先烈  
庭蘭育後才貽謀在詩禮金玉等浮埃

挽左國器僉都

張同邑人

食祿聖明朝繩愆肅百僚讜言推骨鯁獨立凜丰標正切金甌覆  
那堪玉樹凋淒涼悲往事聊為旅魂招

永新縣志

卷二十五

藝文志

文徵

二十七

水簾洞

劉夢詩邑人

山頭泉百折奇處水簾張穿石鯨聲碎懸崖虹影長湍急珠疑濺  
花翻雪未強塵心揮欲醒雲裏聽滄浪

攬秀樓

劉春廬陵人

高人耽樂趣天外構層樓二水縈前面群峰出上頭晴光當戶擁  
翠色入簾浮攬秀今如許何須仙島遊

東樓晚眺

王格京山人

樓高引孤眺江樹遠生秋古岸迴樵徑新沙隱釣舟懷人芳草合  
瞻闕白雲流極目南天客憑軒起暮愁

夏幽道中

羅洪先吉水人



晨征攬衣露，磴折歷峯雲。地險風多烈，林深日曷曛。山禾霜後實，鄉語客中聞。人事隨情好，吾行得所羣。

送龍南岡僉事之任貴州

王慎中 晉江人

繡斧乘朱輪，要荒識使臣。火雲千箐日，花瘴四時春。蠻語譯難曉，夷心義可馴。簡刑兼靜武，坐使遠人淳。

龍溪有西湖，每逢潦漲魚艇數十出。沒煙渚間泛湖數日樂，而忘返。夜夢入漁家，即事賦詩有楚天流不注之句，遂用其語為起句，與家季子忠矣同為賦之。

十四首錄二

賀貽孫

楚天流不注，枕上聽潺湲。風月常當牖，鷓聲必到門。夜炊逢岸火，

永新縣志

卷二十五

藝文志

文徵

二十八

春夢滿漁村，是處武陵地。無勞問舊源，

楚天流不注，連岸數峯迎。人在花間坐，船隨樹影行。波光因鳥破，

柳浪與烟平。若問寒江叟，村深未有名。

弔龍伯子中丞夫婦

二首錄一

國朝

陳廷桂

為誰歌正氣，夫婦整頰綱。頭與殘城破，巖惟碎骨香。雲烟新煥戟，日月舊冠裳。莫謂關山遠，英魂歸故鄉。

贈周節婦朱氏

龍科寶 邑人

紫陽留正氣，碧月照貞身。蓮淨鳧溪水，栢堅鐵石人。問年今已老，聞哭慟猶新。滿地皆秋葉，淚紅欲點勻。

送張士琦令永新

朱彝尊 秀水人



春草烏斯道長洲陸子餘由來循吏傳頻見永新書送爾之官去  
牽絲製錦初秋山日蒼翠詩卷共清疎

題王節婦卷

周文魁 邑人

王孫何處去酒淚讀柏舟機杼人間世陆危水上漚孤鴻來楚塞  
涼月照江樓難作寒窗夢空林夜夜秋

讀書山中和李穆堂先生見寄元韻

顧民晷 邑人

為厭塵囂擾寒山抱草廬每從花下飲醉倚竹間癯野水疏青徑  
炊烟散碧虛此中堪避俗豈獨戀三餘

曲折峰峰側高低樹樹欹風謠田父記耕種婦人知舊燕巢危棟  
饒蜂飲斷枝友朋饒韻事花底寫新詩

永新縣志

卷二十五

藝文志

文徵

二十九

秋江晚眺

曾之傳

散步江干晚秋思逐客生水蒼天借色鷗白雪逾明落日啣山淨  
微風拂面清滄浪誰濯足好與聽歌聲

卜居環溪

楊文焯 邑人

為愛環溪好欣離市井塵數椽風雨蔽四面水雲親課讀三更火  
催耕二月春笑談同野老長作葛天民

禾川舟中

二首山水四重見

盧崧

放艇疑無路還篙忽有聲湍流萬籟寂谷闢一帆清鳥語花間樹  
農歌雨後晴太平春晝永百里半天程

山開江岸濶水合櫓船輕村樹高低接漁燈遠近明週巡無廢事



延訪有餘情端賴循良吏公勤共此心

調選後赴任延長

戴開岐 邑人

此邑原疲傲官貧久著名却思民社重敢冀橐囊盈苦節安吾素

良模法祖行大父宰新化多善政近承方伯訓勤慎乃能清

讀賀可上先生集

唐鳳翔 邑人

文章豈君意聊爾抒精誠卓識觀時事高風信友朋臨深當日恨

入社後來名三復遺編在千秋有正聲

校雠鶯股詩集 五言排律

段孝誠 邑人

故篋存遺草祈孫奉瓣香鐘彝同寶貴翰墨久珍藏聲斐心松柏

迂翁性桂薑公號三徵勞太守百拜謝君王束帶腰羞折操刀手

永新縣志

卷三十五

藝文志

文徵

三十

懼傷鼠肝憑造化驚股厲冰霜臨水軒開舫歸林墨作莊璣先巖

義利急每倒困囊蓮社聯劉石伯潭李伯蘭言契解春楊文正公筆鳴

丹穴鳳門擁束脩羊態想翩翩度光生作作芒微言能見道警句

藉扶網露滴銅盤冷評邀玉尺量公有露冷銅盤秋色老之句為當時所推鴻儒崇著

迹鴟祀發幽光公祀前武繩漁響良弓紹西陽勉將梨棗付奕葉

耀琳瑯



送蕭尚書致仕歸廬陵

以下七律

五代徐鉉會稽人

江海分飛二十春，重論前事不堪聞。  
三臺臣辱誰非我，曲突徒薪惟有君。  
金紫滿身皆外物，雪霜垂鬢便離羣。  
鶴歸華表望不盡，玉笥山頭多白雲。

按詩目云送蕭尚書致仕歸廬陵，考南唐古州蕭氏以顯宦著者，惟永新蕭儼官給事中、刑部郎中、郎中，古稱尚書郎，故此云尚書，則此詩之為儼作也無疑，故特採之。

劉冲之相公拜相

宋邑令元絳錢塘人

天聖年中桂籍人，而今二十五回春。  
親逢舜燭圖鄰弼，首見堯龍秉化鈞。  
百辟望公承約束，四方多士仰經綸。  
為儒富貴皆隆極，惟

永新縣志

卷二十五

藝文志

文徵

三十一

祝功名日日新

挽劉丞相

歐陽修

連章相府辭榮寵，擁旆名都出鎮臨。  
年少已推能宰社，鄉人終不見揮金。  
長蛟息浪歸帆穩，喬木生煙蔽日深。  
昔家庭俸友愛可憐，松檟亦聯陰。

酬梁宰惠遊永新百韻

君曾攝縣事

王庭珪

聞君跋馬禾山道，攀磴遺民識轡環。  
滿路悲風蟠蔓草，數聲漁笛下汀灣。  
雲橫甘露峯頭寺，路接青湘雨後山。  
觸思便能成百韻，偶題僧壁不須刪。

江正邦聞王師來駐辭歸禾山次韻以別

王庭珪



潘才如海渺無堤肯顧衡茅竹裏扉閑釣一溪春水綠尙容三寸  
白魚肥忽傳銅虎天邊下共探驪龍半夜歸此去煙塵猶未靜何  
時馬跡破苔磯

永新賀升卿攜中原六圖相過論古名將出師道路形勢可

指諸掌爲賦此詩

周必大

廬陵人

歷歷河山一卷書傳聞疑是古潛夫金城未入職方考玉堂正披  
輿地圖取虢不應須假道勝齊終困用真儒從來美玉勞三獻豈  
比巾箱襲砥砮

賀升卿年垂八十以書寄平園新韻二十二篇又錄十年前

簡予四詩尙有訪戴之興謹次最後一章韻爲謝 周必大

永新縣志

卷二十五

藝文志

文徵

三十二

文與年高豈樂天字隨心正似公權吟詩作賦晴窗裏閱柳尋花  
野水邊喜我新巢三徑就勞君舊句一時編雪舟有興休回棹共  
載期追李郭仙

永新法雲上方

劉 夨

安福人

石廊西頭物色妍別有淨界擎青蓮玉虹挂門一水割碧雲差徑  
千家連浩歌流年客尊酒高卧白日僧華顛夜涼散髮弄明月更  
欲稅駕青翰仙

宿溪西

顏 奎

邑人

款段經行路暗知殘燈破屋又溪西清霜欲下鴈初過新月未高  
烏正啼氣到金莖天影濕峰垂紫蓋斗痕低隔窗有路寒無寐說



到更闌聞馬嘶

用蕭敬夫韻

文天祥

庭院芭蕉碎綠陰高山一曲寄瑤琴西風遊子萬山影明月故鄉  
千里心江上斷鴻隨我老天涯芳草為誰深雪中若作梅花夢約  
莫孤山人姓林

和蕭秋屋韻

文天祥

蘆花作雪照波流黃葉聲中一半秋明月嬋娟千里夢扁舟汗漫  
五湖遊星辰活動鶯歌笑風露輕寒敵拍浮贏得年年清賞處山  
河全影入金甌

寄東山寺長老宅區中索畫梅

元張昱廬陵人

永新縣志

卷二十五

藝文志 文徵

三十三

同是多生無垢身孤芳歲晏轉精神濡毫應覺香先到寫影無如  
月最真瘦嶺近來還有信華光以後更何人情知此事難描畫驛  
使空回可不嗔

懷舊次韻

龍仁夫 邑人

匹練潮頭寂寞飛五雲臺榭暖殘霏坐看殷麥漸漸秀忽唱吳歌  
緩緩歸仙井龍藏荒罇冷孤山鶴怨舊巢非畫撓兒女貞元曲空  
繞年年細柳磯

弔家丞相文山

文誠存 邑人

塵海焉能活壑舟燕臺從此築詩囚雪霜萬里孤臣老山嶽千年  
正氣收諸葛未亡猶是漢伯夷雖死不從周古今成敗應難論天



地無窮草木愁

寄龍子高都事

周 棐 四明人

昔年相與最多情，尚憶連鍾度錦城。  
御水滿溝看洗馬，宮牆隔樹聽流鶯。  
別來故舊今誰在，老去艱虞只自驚。  
山色湖光總無賴，不堪幽獨轉愁生。

齧指血題壁

閩秀 賀氏誠姑 邑人

浮渭難分濁與清，妾身不幸厄紅巾。  
孤兒豈忍更他姓，烈女何曾事二人。  
白刃自揮心似鍊，黃泉要見骨如銀。  
荒村日落猿啼處，過客聞之亦愴神。

居上麓和俞公總制 二首錄一

李 祁

永新縣志

卷二十五

藝文志 文徵

三十四

使君走馬臨邊徼，飛鞚聯翩不動塵。  
只有韜謀能破敵，更無資力可通神。  
風回綠柳營門靜，日上朱甍府署新。  
時衙署新造 爲想退堂花滿架，春來終日燕賓親。

和劉子綸韻 二首錄一

李 祁

上麓山中好隱居，日長尤喜客來踈。  
溪聲入夢寒生枕，山色窺簾綠映書。  
滿腹經綸終有待，隨時耕稼未爲迂。  
看君定是封侯者，骨相生來本自殊。

和谷湯子敏山中寄示

明 劉 崧 秦和

青杉錦樹連東村，怪禽野狐噪北原。  
客居岑寂聊自遣，人世艱難安可論。  
偶尋柿葉寫詩句，更折梅花開酒尊。  
坐想好懷渾不寐，蕭蕭



蕭霜月上柴門

送彭公權教授還永新 七言排律附

劉崧

六千里外燕山客白髮還鄉遂苦心楊柳堤邊風一葉胡桃園裏  
雪千林路經齊楚冰猶壯春到湖山暖漸深龍廟讀碑山窈窕神  
岡分棹水沉沉行尋梅洞躋危石笑指禾峯數近岑弟姝入門驚  
老色鄰兒候馬識鄉音新城桃李從頭看故塚松楸逐處尋竹底  
掃雲安坐榻花間載酒濯塵纓糝監芋粽朝供飮下鼓蓴羹早漑  
鶯定解狐裘披白苧更從雞黍飯黃金山遊曳杖應行樂鄉飲當  
筵亦醉吟此日衣冠還舊俗他年圖畫記斯今茶園江館曾題句  
松室山房昔掛琴我亦十年離舊隱煩君一一訪登臨

永新縣志

卷三十五

藝文志 文徵

三十五

平符溪寨馬上口占

邑守 俞茂 徽州人

夜來一雨洗囂塵陡覺江山氣象新巖谷已平蒼鼠穴溪橋喜見  
古梅春挈壺歡逐民連野策馬歸來雪滿身此地重過又三載漫  
留詩句託青珉

李希蘧先生棲隱吾邑書堂嶺下次琴南叔祖韻賦贈

賀守約

淡墨題名二十年曾從臚句聽宣傳北門視草三千牘內苑簪花  
第一仙自許丹心懸日月未應白髮老林泉邑人爭載玻璃酒來  
向先生問大元

遊紫雲巖

陳興 邑人



紫雲巖在紫雲間古木陰陰白晝閒洞口長春花冉冉曉厓不雨  
水潺潺仙翁習靜耽山僻野老忘機覺世艱石上殘棋天地老幾  
人白髮駐丹顏

重會鄉人康子以甯於橫州

解

縉

吉水人

去歲元宵奉禁闌午門賜宴敞彤扉教場火炷天星合光祿杯行  
兩點飛舞罷更催新度曲醉歸未省濕朝衣定知此夜扁舟客間  
聽田村社鼓歸

和石潭鄉貢劉孟恂先生韻

二首錄一

解縉

黃旗紫蓋東南旺金薤琳琅滿玉堂慚愧雕蟲真薄技瞻依日月  
捧餘光攀龍有幸時方泰射隼無功器未藏孚惠廟前江上隱看

永新縣志

卷二十五

藝文志

文徵

三十六

山興味與天長

題羅氏仰高樓

劉

髦邑人

西山萬仞倚層樓十二闌干翠黛流崔灝題詩誰復繼元龍高卧  
此堪倚珠簾半捲聽風雨繡戶平臨看斗牛此日憑高清興足爲  
君呼酒共相酬

懷劉貢士孟恂

李

禎

學館相逢意有餘青燈綠酒夜牕虛眼看世事宜高枕身在他鄉  
念遠書落日暝歸投樹鳥清潭時見避鉤魚秋山若有樵蘇地擬  
結茅堂傍隱居

寄張忍庵通守



東風催雨過淮淝萬戶千門曙色微漸老只愁朋舊好逢春不放  
酒杯稀長江繞郡商帆集遠火沿山獵騎歸惟有忍庵窗外雪比  
君高標更清輝

送戴長史歸梅溪

曾鶴齡 泰和人

河關十月薄冰生未忍都門話別情別駕已看良驥展懸輿合與  
斷鴻征雲寒蘆浦孤帆遠雪霽梅溪一徑清聖代休官應不少似  
君有幾最遺名

寄劉僉憲克彥

劉定之

老矣木菴在海濱蕭蕭夜雨溼烏巾禾川懷舊傳書遠栢府留家  
入夢新去後桃開爭灼灼向前薪積謾陳陳功名富貴渾閒事善  
保蒼顏白髮身

永新縣志

卷二十五

藝文志

文徵

廿七

贈顧將軍雄

劉定之

白髮將軍胆氣豪還家猶著舊征袍恩深相邑留車騎義重琴亭  
望節旄綠繞春營歌細柳紅垂曉席醉蟠桃功勳已喜傳青史何  
啻凌煙畫彩毫

煙岡別墅

左鼎

矮矮垣墻短短籬林泉剩買事幽棲秋催晚菊黃三徑暖透晴楊  
綠一堤竹塢歸雲初罷局林田帶雨更扶犁幾時訪却稽山老一  
棹清風入鏡溪

送李損齋謫綏德

王穉



忽忽玉馬出京華地北天南去路賒碧障半空懸鳥道黃雲萬里  
接龍沙夜寒賓館愁生劍日晚邊城淚墮笳此去未應成人別東  
風回首聽宣麻

奉召條陳八事

尹禮邑人

如何陳表奏當陽啟沃心惟冀守疆衮未闕分偏欲補冠宜彈矣  
預謀襄有懷張氏千秋鑑仰慕魏公十思賜非敢披鱗應救弊聞  
閣從此固苞桑

副憲尹禮余同年友以外艱歸梓服闋朝廷兩遣使詔公起  
用將之京因贈以詩

韓雍長洲人

雲端屢見徵書下江右頻迎使者來聖主欲圖匡濟業廷臣特薦

永新縣志

卷二十五 藝文志 文徵

共

老成才梅花雨過雙旌溼桃葉波平一櫂開名望廬山嘗相憶獨  
陪明月坐霜臺

神源曉色

賀鏤

東望啟明掛碧峯鳴鷄語鳥雜晨鐘花將向曙輕煙罩草欲搖芳  
湛露封不覩神工空裏色怎知佳氣淡時濃憑欄好自續殘夢夢  
到仙源第幾重

挽蕭太守樟

集古句

劉時邑人

玉樓天半起笙歌露滴芙蓉愁晚波千載英光垂竹帛一軀靈骨  
葬藤蘿鳳凰飛去梧桐老鴻雁不來風雨多擬奠生芻嗟莫致不  
禁清淚欲成河



送文庭珮名舉賢良不就南還

湯清 邑人

兩年不見文知己長日相思別恨深殘臘朔風歡倒屣落花啼鳥  
惜分襟幾程車騎辭京國滿擔珠璣出翰林如此遨遊歸隱逸義  
山幽雅遂閑心

送張體順分教惠安

馬聰 邑人

早從鄉邑擅才賢新拜儒官下口邊去路正逢梅子雨到官應及  
菊花天津池空濶魚銜墨講院深沉鳥墮鱸樽酒今日東門別不  
知相會又何年

送賀養吾之任邳州

尹祖懋 邑人

邳城雄峙長淮北飛蓋遙臨亦壯遊江暖煙濤延野望春深鴻雁  
集芳洲麟經久抱康時策雉堞應思控遠猷甘載同袍俱宦達功  
名看爾振前修

永新縣志

卷二十五

藝文志

文徵

三十九

喜劉念南擢諫垣

有引

龍遂 邑人

念南以李官政最擢諫垣邇聞大疏諤諤而義麓甘丈為侍御  
夙擅才望喜而有作辛巳正月十一日也

霜臺誰擅澄清譽瑣闥新傳論劾書英傑同升依日月野人何幸  
侶樵漁東南民力今方困西北邊防未可疎補袞鴻猷看此日巖  
廊秉軸席應虛

余少原明府集合邑紳士會講坐上有懷

鄒元標

一別禾山二十年歸來此日共談天鹿鳴似解愁人思鶯韻如聞



出谷篇浪跡不... 虛名猶自媿前賢  
春風滿座還誰領  
庭草交加意已傳

別余少原明府

鄒元標

春風澹蕩送行舟  
花滿禾陽得勝遊  
闔邑桑麻沾雨露  
鄰封重更起歌謳  
家傳安道源流遠  
政類中牟惠澤稠  
下榻不禁明發去  
壯心欲折大刀頭

昔年赴戍道出禾川  
承龍袍溪帶湖賀巽  
東修吾昆仲及龍生  
作霖高誼感今追  
昔悵然有懷

鄒元標

細語泥塗行戍時  
多君高誼共相期  
危樓樽酒看雄劍  
野渡扁舟聽子規  
仕路蹉跎羞短髮  
林臯懶慢負深知  
悠悠禾水潭千尺  
照

永新縣志

卷

二十五

藝文志

文徵

四十

我肝腸有所思

紀異詩有引

尹方平 邑人

宋鄂王征楊么於洞庭  
經邑城西門曰此殺方也  
門宜狹乃命更修修者琢石肖王像於城門上  
崇禎丁丑楚寇圍城先夕城卒見有披甲馳騎於雉堞者  
跡之無有越日賊至敗去始悟為王之靈也

武臣一死竟誰先  
但願女臣不愛錢  
玉帳當時經下邑  
金戈易代護殘邊  
早計羣狐侵境內  
陰驅匹馬立城巔  
西郊一望今猶在  
莫道襄陽石返天

餞別宗伯尹洞山師致仕旋里

董汾 吳興人



蒲輪方應聖朝求忽報巾車出帝州漢室共嗟疏廣去周家誰爲  
名公留豫章日遠千山暮吳苑風生萬木秋別路不須多悵望知  
公瀟洒到林邱

劉念南給事屯鹽閩中

廿兩

鳴佩初聯供奉班旋看使節下燕關九天馳馬人爭避一息搏鵬  
氣自閑攬轡雲屯連四野停車海錯湧三山從知劉晏紆籌策饋  
餉應舒玉几顏

族姪女殉難

有引

劉同升

吉水人

女永新人適周氏湘陰明府孫女也知寇將至著衣數重以線  
紉之罵賊不已賊斃之

永新縣志

卷二十五

藝文志

文徵

四十一

手把重綈密密縫出門罵賊死從容泉臺不怨新婚別廟祀無慚  
茂宰封作女曾聞天上謫爲雲羞向楚山逢傷心斃死真奇節何  
必男兒始亢宗

哭兄詞

龍之虹

邑人

當時仗節許平生風雨飄零骨月情魂魄驚池心戀主闌杆鵲耳  
淚成聲十年戎馬愁兼病千里蠻煙弟哭兄回首故園松柏在螺  
川他日紀芳名

比烈詩

有引

賀吳生

邑人

莊烈君艾娘予族叔充州司馬青園公女也己丑六月罵賊  
殉節於羊埠江中羊埠距忠義潭五里四百年後復觀此烈作



比烈詩

承家慈孝素推賢更見臨危節凜然死去蛾眉甯待贖生投魚腹  
早沉淵月明澤畔魂千古風邁宮墻影八磚猶羨一江羊埠水佳  
名得藉烈姬傳

秋日避兵漁家

國朝閨秀

賀氏桂

老漁門對雁沙灘逸宅竹陰秋意寒湖光遠望碧千頃茆屋隔鄰  
青幾團傍橋楊柳橫披網疊石蘆花急轉瀾憑誰為報籬邊菊珍  
重清霜待細看

曉過梧溪

賀氏桂

殘月雞聲禁店霜半黃秋草露垂光畫樓牕掩人猶夢小圃風開  
永新縣志  
卷二十五  
藝文志  
文徵  
四十二  
菊度香樹濕珍禽飛細細江寒殘葦色蒼蒼山行逕險橫荆棘折  
得梧枝憶鳳凰

科兒公車北上賦此寄懷

入音體

賀氏桂

金鞭續夢月初低石路霜濃滑馬蹄絲冷輕裘風面竹連古驛  
霧迷迷匏尊注酒分童僕土屋開扉見犬雞葦盡寒威春到眼木  
榮遲早聽鶯啼

贈黎媿會以司理任禾川

張貞生

廬陵人

西江樾蔭已三年禱告如予早二天釐剔何難全改轍澄清豈憚  
立更紘臯陶舊譜餘霜肅名伯新棠帶露鮮威鳳棘栖知暫借公  
餘作賦菊花前



題龍節母茹蘖圖

邑令 張士琦

烈節奇靈印血磚賦詩題額日星懸蘭芬玉潔傳家法水冷霜清  
嗣後賢誓日果然如皎日問年已是待旌年圖陳茹蘖將何報寄  
語兒曹合悚然

自廬陵復之永新

李 紱 臨川人

舟楫頻年廬永間冥冥孤壑走重山千羣黑散牂羊石百丈聲哀  
畫角灘來往日車翻木末西南風壤接苗蠻悲歡半為他人轉畏  
向寒流照旅顏

秋山學圃為張韋齋明府題

李 紱

莊寫經春祇越吟菜根滋味憶山林夕陽千樹鳥聲寂涼月一庭

永新縣志

卷二十五

藝文志

文徵

四十二

花影深窄堵坡原難作宅摩兜堅已自題箴惟餘結習殘書在窺  
見羲皇以上心

永新感事呈張明府

李 紱

三年親見古人同喚咻焦勞百里中虎說年來爭渡水火聞夜起  
拜回風新煙按堵歌廉范靈雨隨車記鄭洪惆悵暮雲無限影高  
樓想像夕陽紅

邸報初聞中外驚忽看衙內買舟行六街痛哭朝闕希四郭喧傳  
夜塞城守 闕倉皇奔萬姓聚旛慷慨立諸生義山忠憤今猶古  
五嶽峻嶒未可平

廉吏由來不可為苦心何事竟如斯遙遙北極星辰隔寂寂薰風



草木知千里掛帆真載土萬家墮淚欲沉碑此時共輓公歸駕母使東人日夜悲

贈百四歲翁馬羽日

陳智言 邑人

猶於懷廟見遺民百歲周迴又四春絳縣從今輪甲子黃冠何事守庚申尋花杖惡青藜緩醉月歌翻白雪新鶴髮盈堂孫又祖相看取次表繚綸

泊舟大樹隈客有言此間前事者感而有作 陳宏圖 邑人

戍樓杳渺夜吹笛茅屋披離十幾家一枕燈殘寒蝶夢三更月落響漁火驚心漫憶西江遠倦眼頻詢北斗斜寸管生謀何自苦年年煙水事浮槎

永新縣志

卷三十五

藝文志

文徵

四十四

贈陳邑侯德濃

譚尙禮 邑人

笑縮銅符不計貧簿書耻負讀書身開窓只許紅梅放 邑署有閉梅花堂 閣還憐赤子涓兩袖風迴琴水韻一帆兩捲義山春邇來黯黯陰雲合想為河中輓寇恂

永新學舍報同人小集

邑訓導 吳照 南城人

花朝纔過雨初晴几席添來一段清折柬剛逢人送酒開軒恰好樹啼鶯天容養拙聊安分春入幽居倍有情年少座中增逸興笑予白髮已潛生



望禾山

國朝李森邑人

湖倚三霄石倚巔箇中風景畫難傳碧雲擁岫迷荒寺白雪飛空  
落澗泉草蔓相臺人不見烟籠松徑鶴應眠何當更著遊山屐鐵  
筆龍溪景昔賢

挽彭司令震龍

集杜句 以下五絕

宋文天祥

堂上會親戚可憐馬上郎呻吟更流血干戈浩茫茫

挽從事蕭肅夫

集杜句

文天祥

灑漢銀鈎連翩躑山巔鶴慘淡鬪龍蛇及茲歎冥漠

永新縣志

卷二十五

藝文志

文徵

四十五

別次妹

次妹司令彭震龍妻集杜句

文天祥

天際傷愁別江山憔悴人團圓思弟妹傳語故鄉春

題破石風雨圖

元龍雲從

邑人

雨歇荒鷄叫山空木葉堆玉堂雲霧影多向此中來

竹坡故址夢覺

文桂發

邑人

夢和殘酒醒始悟有生勞一霎山雨過滿林秋聲高

題竹贈永新知縣黃灑

明劉定之

十月清霜候君應到永新蒼山環縣郭修竹碧溪濱  
百里民蒙惠甯憂位不遷君看垂蔭竹高節自參天

講經堂

甘雨



獨上講經堂講經人何處明日堂空升本來無去住

絕頂石上小憩

甘雨

絕頂枕雲根振衣立縹緲倚劍劃晴空始知天下小

鳴玉澗

甘雨

橋上山橫黛橋下水鳴玉會須洗塵根從君借一掬

金竹坪

甘雨

茹荼證苦脩剪棘開荒徑疎竹闕叢林客來發清磬

淨業堂

甘雨

洗垢垢始淨如何不洗者不垢不淨間無乃是般若

入山 五首錄二

賀貽孫

永新縣志

卷二十五

藝文志

文徵

四十六

入山莫彈劍彈劍鬼神愁一片寒光鐵對面不知讐

入山莫好客客至每招尤獨坐招明月一秋復一秋

玉峽

國朝

龍大經

邑人

峽口泉聲細中間小有天奇花相對出開闢是何年

贈金子開

張貞生

陽長非關線歲寒當是松閒情縈九曲逸興寄三峰

洗墨池

劉世衢

玉淵起飛龍紫生墨池霧我來山上遊寫就遊山句

石洞夜明珠

龍能勳

邑人

誰遣一顆珠照耀懸巖下無事此間遊翻疑天不夜



別永新留題公廨退軒 以下七絕 宋縣令 元 絳 錢塘人

三年作宰別無功種得桃花滿縣紅任罷不能收拾去一時分付

與東風

題後隆堂 張 栻 綿竹人

方來富貴幾浮雲窮達何關陋巷身欲知後隆端的意只將令德

付前人

跋劉敏叔畫誠齋先生探梅圖 左 暮 邑人

倚塞踏雪行溪路對月看梅大瘦生莫道親曾陪杖履只今見畫

也心清

賀升卿著春秋會正論屢督跋戲答 周必大

永新縣志 卷二十五 藝文志 文徵 四十七

三傳名家各是非聖經原自許傳疑遲遲著語君知否游夏猶難

措一詞

帖永新韓王簿 趙 蕃 玉山人

韓君惠我涪翁帖三世風流不在茲諸老當年會臨汝更須多有

未傳詩

禾川歸途 趙 文 廬陵人

天亦寒癡日易曛客情黯黯似春雲不知細雨止還作自倚籃輿

看水紋

訪仙洞山舟次大溪口 元 釋惟則

窈窕仙家何處尋夕陽明滅亂雲深大溪橫斷青山合一路風帆



入樹林

弔譚烈婦

黃士能 邑人

母子臨危不失身  
精魂著土偶傳真  
至今一片模糊血  
心地分明託聖人

江西省掾陳允中避亂來永新固守城池屹立群盜中泰和

宣差以廉明著稱境內晏然

周霆震 安福人

蜃氣樓臺轉眼空  
荒墟誰與弔秋蟲  
道邊小屋柴門掩  
猶是當年種菜翁

題學宮魁輔堂綠萼梅

明賀守約

魁輔堂前綠萼梅  
半簾香影為誰開  
東風似識何郎面  
暗送飛花

永新縣志

卷二十五

藝文志

文徵

四十八

入酒盃

藥湖書所見

劉崧

石根寒沼時時落  
嶺上荒田寸寸鋤  
已圍蕎麥防飢鹿  
更插杉條

護凍魚

敗堞草荒餘箭眼  
殘兵衣禿見刀痕  
蕭條香火楓林靜  
散漫人烟

草閣寒

寄張叔豫劉孟恂二君子

解縉

繞縣清江月一灣  
君家別墅在屏山  
當時故老猶能說  
晴日笙歌夾路還

節義廬陵古所誇  
宋朝冠蓋盛中華  
張君舊住禾川上  
里巷傳呼



御帶家

東華觀古蔭喬松先月樓高倚碧峰莫向山頭吹錢笛清聲惟恐引蛟龍

寄禾川二士

解縉

歐奎遇我最深情資性温淳畫不成昨夜禾陽城下泊倚蓬望月到天明

別司訓鄧經

解縉

記得京華識管甯衣沾遼雪上青冥善吟李白詩千首能使時人側耳聽

龍門溪下水珊珊魯公大筆彩雲間煩君為借幾隻鹿待我重來

禾新縣志

卷二十五

藝文志

文徵

四十九

騎看山

題贈戴同府赴衡陽

楊士奇

郡齋前度坐橫經南岳常瞻紫蓋青遙想山靈舊相悅預開雲氣候飛旌

三台雪霽

左鼎

凍雲初解北風寒珠樹瑤林色未乾曉日一輪峰頂上三台如畫最宜看

雙巖雲間

左鼎

筆立雙峰對隱居峰頭雲影靄晴虛幽人適與雲山會盡日茅簷看卷舒



題宋宗室趙子固畫梅

李鈞 邑人

鐵石心腸世莫知風流狂態豈真為恥隨玉馬朝周客時寫凌寒  
雪一枝

文山起義先履翁以家殉之族人祠焉賦此寄東里諸宗

首錄二

張治 茶陵人

禾水城東楊柳垂嬌遊尙憶少年時勤王去後空陳迹惟有青松  
覆古祠

金鰲江上鎖千峰東里桃溪指顧中水木百年瞻望地幾時歸去  
拜寒松

次張龍湖先生弔張履翁詩韻

尹一臺 邑人

永新縣志

卷三十五

藝文志

文徵

五十

丞相孤忠天漢垂白旗揚義憶當時傷心若論睢陽事合有南雲  
配烈祠

痛哭江南倒虜戈勤王其柰宋亡何青山喬木悲今少碧水芳祠  
感故多

桃花溪水疊千峰少宰題詩彩霧中借問先朝忠里在金鰲古月  
照長松

贈甘惠州

甘公亮官  
惠州知府

戴冠

吉水人

四百雲峰面面闕使君花底放衙回人生豈必二千石只看羅浮  
也合來

弔譚烈婦

江西  
提學夏

寅

茶亭人



罵賊儒宮得死門  
殿楹血影舊精魂  
只應研取萇宏碧  
點得佳人怒目痕

念南劉丈賣捧復滇

鄒元標

侍臣銜命過沅湘  
六詔春回草木香  
夾岸好山看不盡  
鶯花應逐馬蹄忙

禾陽署中

王用仁 蘇州人

向壁狂吟日已曛  
興來得句逐紛紛  
窗間竹影搖新綠  
又酌清樽對此君

送周大白同年之任固安 二首錄一

湯賓尹 宣城人

寒柳疎疎度薊門  
慇懃前路信乾坤  
看君一片長安月  
知有聲名

永新縣志

卷二十五

藝文志 文徵

五十一

近至尊

山頂石人 在梅田洞

賀氏桂

絕頂伫立無雙侶  
衝風暴露聽天語  
白雲插髻倚烟霞  
無數幽懷

寄山水

送鵝放生 有引

國朝 邑令 黎士宏

畜得三鵝斷殺後  
留之春星草堂兩  
載矣予將去邑而  
東送之  
尚山賚以稻梁六  
千合

隨人飲啄也堪憐  
送去青山學打眠  
不許右軍將帖換  
劉家雞犬亦能仙

高冠修羽亦亭亭  
曾解尋花繞畫屏  
聽罷設經山月冷  
應知聚族



話春星

弔龍伯子殉節 二首錄一

沈士尊

屍從裹草未還鄉粵微塵霍道路長鵲耳山前風洞曉到今人說  
姓名香

譚烈婦墓

曠瑞年 邑人

烈婦湖南鄆庠譚振漢妻順治己丑遭寇亂避居吾邑之雞冠  
塘被執不辱溺水死遂葬其地事詳鄆志

鬱鬱埋香已百年芳魂猶自守遺鈿月明愁倚西風立蔓草荒郊  
泣杜鵑

次 立 刺史邳民寄褐韻

賀朝任 邑人

永新縣志

卷二十五

藝文志

文徵

五十二

政成歸老卧江干布被藤枕衾影安何意斯民多古道廿年猶念  
使君寒

東坑雜咏

劉之藩 邑人

屋前屋後盡青山屋上松陰屋下潺自到山中無一事春風竟日  
共人間

一叢竹樹雲中綠斜掛溪間雲上竹轉眼雲將竹樹遮樹邊惟見  
小茅屋

白雲遮斷碧山蹤忽露山尖忽又封只有半峰雲薄處和雲隱見  
五三松

漿坑村晚

尹正球 邑人



四圍深綠山光裏一帶殘紅落日時牛戴牧童橫短笛數聲吹過  
小橋遲

過姑溪懷舊

唐鳳翔 邑人

流水荒橋去路遲魚鱗瓦屋望參差柴門不遠人何在只有青山  
似舊時

禾水三章為炎陵李節婦賦

以下古體

賀吳生

禾之水浸白石矣士與女不苟活矣聚歛魂魄維其賢矣彼其之  
子邦之媛矣湖南徂西於新田矣於彼新田爰得我便矣  
袍陂有潭洋埠有波其波伊何莊烈之車風之朝月之夜維彼賢  
媛相從其上下

永新縣志

卷廿五

藝文志

文徵

五十三

維原有娣政亦有姊豈惟姊兮母則爾兮節俠同流何其潔兮我  
思古人其揆一兮

德政謠九章為明府華笛秋先生作

諱翼綸  
第肆

田有成

邑人

高灘之下有深潭高岸之下有浚溪易為飲者渴易為食者饑永  
新民相勞苦青天萬眸觀新來華父母

初下車清狂獄何哉禁獄人簇簇明日當堂開釋之免歸服爾耕  
吾不苦吾免

開征剛及辰設筵召鄉紳我知民疾苦永新况瘡貧諭爾紳告爾  
民官豈不愛錢要錢不值錢一文官盡心民願德一兩糧銀減一  
百願官留與子孫得



傳衙鼓官升堂百姓四面官中央人聲嘈雜無禁防閱案牘卻端  
詳明聽五辭柔濟剛曰爾理短爾理長辭無有者中漸惶呼隣族  
立兩旁爾其和解毋胥戕

永新縣志

卷廿五

藝文志

文徵

五十四



永新縣志卷二十五

藝文志

金石

唐

龍溪刻石

龍溪

真書徑四尺許

凡金石文皆以營造尺度之

右刻在縣西禾山絕壁上唐顏真卿為吉州司馬過其地書此二字鐫於石詳古蹟按龍溪二字後有題款云天寶五年平原

顏真卿鐵筆題禾山龍門石壁十八字考唐書本紀天寶三載正月丙申改年為載此稱天寶五年又加鐵筆二字明係後人

永新縣志

卷二十五

藝文志

金石

摹刻上石時所題非魯公自題也再攷唐書魯公本傳代宗時元載給帝曰羣臣奏事多挾讒毀請每論事先白長官長官以曰宰相真卿上疏載以為誹謗貶峽州別駕改吉州司馬綱目書貶顏真卿別駕則龍門題筆應在此時若天寶五載公方守平原係大歷元年無緣至永新題款之誤無疑

宋

仁宗御篆

思賢之碑

篆書徑六寸五分許

右碑在縣北思賢鄉宋仁宗嘉祐五年宰相劉公沆以觀文殿大學士刑部尚書知陳州以是年二月丁亥薨於治所喪過國



門仁宗震悼賜挽詩爲篆其碑額以褒之

墨莊石刻

墨莊

真書徑一尺三寸許

紹興丙辰良月征西將軍岳飛書

真書徑一寸九分許

愛其人者及其所憇况手澤哉岳忠武王此書真墨寶也劉公欽任吉州別駕留家永新龍田其子駒馬公景暉當王西征過其地餉師三日王書此以遺公公故南渡士大夫之忠義者宜有後於斯土而爲天下世守茲寶也余來沘禾適碑刻久留縣署乘暇題跋并係之以詩歌詠其盛事焉 忠武千秋烈湖湘八日平當時旋虎節此地駐輓旌壁壘柱牛饗貔貅按轡行二難皆不朽墨寶日星明駙馬園林勝將軍筆墨酣風流迺可挹

永新縣志

卷二五

藝文志

金石

二

思義熙相參王敬宗明道精思續世南後賢堪慎守彌勒敢同龕碣尾舊有公族孫蔡一銘並附如左金生字裏玉潤行間忠文潛感萬世莫剛康熙四十三年孟春月永新縣令吳郡後學

張士琦謹識并書

真書徑八分許

右碑在縣西龍田劉氏家廟

詳古蹟

按高歷志以此爲岳武穆討

楊么時書此遺劉景暉考通鑑綱目續編紹興四年甲寅八月楊么敗官軍於鼎江詔飛移兵討之乙卯六月飛敗楊么於洞庭湖湘平丙辰三月以飛爲京西湖北路宣撫使屯鄂州似丙辰良月正屯鄂未抵永新又宋史岳飛傳紹興二年賊曹成出江西歷湖湘命飛權知潭州兼權荆湖東路安撫都總管督兵



至茶陵招成成不從入賀州連破其眾據此考之或者忠武以  
紹興二年討成從廬陵至茶陵道經永新景暉出粟餉師至六  
年十月始書此二字遺之亦未可知

空中挺秀題石

空中挺秀

行書徑乙尺二分許

右書在縣東義山碧波巖絕壁上書法遒勁相傳為呂純陽書  
今字蹟猶存

白玉蟾符碑

符篆

篆書徑四尺許

雷部刺史白玉蟾書

行書徑一寸三分許

玉虛師相玄天上帝受天明命剪除魔精鎮天寶符萬神聽令

永新縣志

卷二十五

藝文志

金石

三

安鎮國祚保世康民錫爾鴻禧其永寶之至精道人夏口元題

真書徑九分許

吉安永新縣昊天觀刻石

真書徑八分許

右碑在縣治昊天觀內

詳古蹟

今觀廢碑仆於地相傳附近居民

以蓑衣晒於碑端碑為雷擊斷然符碑字蹟猶存尚可摹榻

元

龍溪橋記碑

永新龍溪橋記

篆書徑四寸許

永新州龍溪橋記古之為梁者二興梁曰梁造舟為梁亦曰梁

皆橋也古者出於有司本先王為政之一事後世出於民亦有  
司所屬也  
於學佛之徒而有司不與其事然其取於民一



也特愚者不悟耳良由王者之政熄儒者之道廢有司者其權  
逸於吏縱吏爲奸市以漁其民往往事未集而怨已興佛之徒  
始乘其弊鼓其師之說以誘吾民而富人大商下至小夫窶人  
無不甘心聽命焉有司者懼政之不修爲已累也不自責已愈  
益疾視其民且以誑儒曰儒者安所辦此吁其不知爲政甚矣  
永新去州五十里有水曰龍溪東會永新達於吉安西距茶陵  
五十里實江西湖南之要宋端平甲午議衆建石橋而落落不  
合於今垂百年矣民之病涉未有甚於此者也當宋季以官若  
民之力何不可爲而獨難於此宋亡五十年以官用民之力愈  
易於前而猶以其難遺今日何也蓋嘗疑之其時其人必有所

待式克至於今而後遇龍溪賀君豈偶然哉賀君不煩有司之  
令不假衆人之力以其私財奉其母楊夫人之命其子景象景  
文成其志起泰定丙寅三月訖明年十月長三百六十尺高十  
八尺廣不及高二尺凡爲墩者六貼石爲兩岸高與墩齊合爲  
墩者八架以大木百圍覆以華屋百楹倚之以曲檻履之以堅  
石鈔以緡計者一十五萬有奇米以石計者一千五百有奇百  
里之內百里之外民不知有役而坐見此橋江西湖南官民商  
旅之往來不聞有是役而坐乘此橋一橋之費不足爲賀君道  
一橋之功不足爲賀君贊獨使先王之政儒者之道復見於今  
而異教不得爭長稱雄其間豈非百年間一偉事歟君子曰賀



君有濟川之才而無用世之志者也使有一日民社之責其惠利及於人人者豈止此哉充是心所謂思天下之民有溺者由己溺之可也雖欲使人不樂道其善得乎夫非余言也眾人之言也眾求余記故不辭君名士貴字性翁最樂爲善尤輕財嘗歲饑捐私租數萬石與耕者其鄉人云至元元年十月二十日□□□□□□提舉劉岳申記翰林待制奉議大夫兼國史院編修官揭傒斯書真書徑一寸許 □□□事知經筵事許有壬篆真書

右碑在縣西龍田築亭江側藏之然代年久遠風雨剝蝕字蹟殘缺者多今照舊志原文按字補正

永新縣志

卷二十五

藝文志

金石

五

禾山大舜二妃祠鐘款文

二妃有祠舊矣自吳進武校尉張昱記重修以來迄今千有餘年其間幾圯幾修豈無其人獨未有以片石記其事者是欠也如嬪於虞盡婦道相重華成聖德由家而國而天下卒致時雍之化萬世莫加焉從帝南巡歿沅湘之間月入祠之今黃陵廟是也予謂豈惟湘人當祠之天下之人皆當祠之禾山江右名山川妃有祠於此固宜山有岩世傳妃嘗棲處焉故號二妃岩下有泉漑稻田數千頃妃實陰王之岩出白雲雲浴匕起俄而白變爲黑又俄而布滿大虛沛然下雨歲旱四方遠近官民奔走請禱禱無不應妃有功於斯人又如此其得祠於此益宜廟貌歸然而鐘簋或缺是非



所以崇明祀報盛德徼多福也鄉民周法明捐已財集眾力鑄造  
洪鐘一口充廟庭香火供養垂之無窮者鐘成銘之曰 山屏屏  
水泠泠吼長鯨川谷鳴達幽明維此聲由聲聞福田成大德二年  
四月日前永新縣縣學正登仕郎文明叟撰 吉州路永新州登  
豐鄉開耀里張村保神前新興□居住奉聖信士周法明婦劉氏  
三娘男真祐真孫女以□以恭以懿張氏□柔弟友貴弟婦胡氏□娘妹  
□□姪真瑞繼翁姪女以真以□孫□□孫□□□□□合家□  
等謹□□□□□□□勸□眾姓寶□□□□□□□共鑄造洪鐘  
一口入於□□□□□禾山□正祀永□□□□進士陳□□劉  
遇龍肖逢亨肖□孫陳光正肖□珩肖似孫肖止善肖□孫肖□

永新縣志

卷三十五

藝文志 金石

六

孫肖興仁肖與德肖天定肖定孫肖滿即段惟恭肖士英□□□  
顏宗榮□□□興宗陳武孫陳廷鑑陳□□陳元貴陳文□段  
子成胡文□周子端周普榮普成□□周子仁王□王□吳普  
劉文□□誠吳□晦劉元□□子仁□□劉普□□波明  
□□元忠□□□劉志誠□宗□張□仁周元宗□□元  
益顏元宗□□朱□朱文□□章必明陳子先周子才顏□清  
彭□胡仁光周必□胡師慧童顏孫文□袁昇劉子才劉文章□  
仁□友信顏世榮李子明劉必仁段文俊顏元昌周元美□□吳  
文□張丈信劉宗文□克才周□□宗□□劉思彥陳□  
清李□才劉□勝劉榮祖顏春元劉□□□劉榮富□□肖元



可□必隆周□宗劉必昌□□□□□□□□師□□□□李□□  
周□□□繼□□劉普□肖□孫肖□□□□定□□□□正□  
□宗明□□一娘肖氏□□娘肖氏三娘顏氏二娘顏氏十娘□  
氏二娘□二娘□□□□□□□□匠人□□□造真書徑一寸許  
右鐘在縣西禾山高四尺許口徑一丈一尺三寸許四面皆有  
款文凡七百八十餘字

明

松林寺鐘款文

大明國江西省吉安府永新禾山鄉金山松林寺僧才魁今化到  
十方善心喜捨淨財造成洪鐘入於本寺早晚梵修今將花名開

永新縣志

卷三十五

藝文志 金石

七

具於后

西汀社星員星元呈敬呈圭吳道玄閻溪岩文保劉

信保中洲社段康右邦元邦本元陂段氏丑師雙山井下段銓

陂唐社賀氏杏一娘李宗大西元社岩思文宗明□元玉官吉羅

方社劉名右□□陳真辛南社龍氏生□在城尺木巷金友善橫

煙社尹康大德舟立祖□開立申王琳龍氏德三娘李氏善二娘

□福真李成戶李氏申一娘龍氏秀三娘肖從善岩記祥里金社

段德隆宗云記受肖志宜岩日祥以元用中三□以仁岩氏貴一

娘一氏惠二娘氏淑貞黃應明尹氏貞二娘神前社岩順安滿愛

應方貞保玄右思從福興天右荒唐社李氏淨一娘王氏保師□

氏南劉氏記師氏王音岩氏善娘氏福三娘左氏淨一娘夏氏惠



貞段氏成一娘口云一娘譚氏閨一娘龍氏求一娘高口社陳氏  
變三娘王德明德戶云善伏右裡妹王氏云四娘岩氏受三娘舟  
二戶厚唐社段思受王氏春二娘口成祖岩氏定三娘賀氏惠二  
娘彭近龍岩普元周氏近四娘口德一娘肖貴文肖氏貞三娘岩  
德戶石分社尹天右宗玄天祥文德瓦石岩道賢道真道云戴德  
云松木社劉必云景宗李近云其唐社彭甲生記祖童細黃曾仕  
忠當頭社王氏善二娘口丙娘黃氏二娘劉氏秀一娘段定生口  
友文尹思唐社巖受祖口云呈氏口娘王氏成一娘金氏一娘相  
云宗近善劉允文右付社劉士祖受祖思曾記善尹氏保師肖氏  
秦二娘張唐社李氏二娘董氏甲二娘劉氏寶師岩氏秀五娘賀  
永新縣志 卷二十五 藝文志 金石 八  
氏心娘段氏開一娘董鼎才武唐社武元近九口羅成寶廟陂社  
劉氏秀三娘劉氏民二娘口貴一娘口云三娘呈天右尹氏金一  
娘肖氏淨一娘呈氏德秀李氏惠二娘斜烟社劉同云德羅氏成  
二娘中田社胡與文生凡氏開娘劉氏云二娘呈氏淨真呈春生  
九口中湖社文惟英錢坤社呈志周炳文呈應和王氏貴二娘  
李惠祥劉以宗以仁本寺自大唐中興至大元前戊寅秋禾山賽  
草賊劫燒寺壇捌月峯招口喜捨殿坐佛像於壬辰紅巾蜂起院  
宇皆成焦土僧眾散之四方至戊申年有祖師岩禮成於寺前結  
屋集眾口禁本地風水不利洪武八年乙卯冬有才魁竭力重興  
院宇祖師坐前於是化題錢谷成造洪鐘一口入於本寺永充



養用祈皇圖鞏固教法與隆信檀增福祿之榮僧眾獲安和之祉  
風調雨順國泰民安主盟呈真劉召右 化緣周瑞祥岩普鏡劉  
友富 化緣僧才魁任持似困監寺既富徒屬慈淨自性爲善至  
理正官付仁付德洪武十年九月日題第九都匠人洪壽祖造眞書  
徑八  
分許

右鐘在縣北松林寺高四尺口徑二尺許四面皆有款文凡八  
百一十餘字

龍安院鐘款文

大明國江西承宣布政使司吉安府永新縣思賢鄉遺直里汴田  
居住奉佛捨鐘信士蕭可道室中鄴氏貴柔男肖夔肖翼肖敬男

永新縣志

卷二十五

藝文志

金石

九

婦歐陽氏寶貞袁氏素婉黃氏瑩嬌男孫玉凝女孫韞德韞玉純  
粹兄可賢弟可望良瑀兄嫂李氏弟婦彭氏劉氏張氏女璧瑩家  
眷等卽日重發誠心徑捐淨資以宣德六年辛亥歲十月初四日  
乙未之吉更鑄洪鐘一口入於本里龍安寺永充天人供養伏願  
佛造昭融皇圖永固八音宣布罄品類以超資五福駢臻同身家  
而胥慶綿洪後裔顯震芳聲恭于南無地藏菩薩三寶昭彰萬靈  
洞鑒謹乞鄱陽八表翁段原中爲之銘曰 大唐啟運宣皇風坤  
靈衍慶開梵宮龍安峨峨氣鬱慈日光洞照黃金容陰陽爲炭造  
化工蒼龍捧轡驅豐儷倏忽變化成景鐘八音宣布聲颯颯九門  
啟曙開天聰報以景福美且豐蕭門衍慶逾綿洪遙遙奕葉俱顯



融詞人作頌宣民風八荒四海熙時雍

佛爲一大事因緣出象於世其法流入中國已千數百年類以寂滅爲宗不累世故解悟生死爲教其瑜伽則用福田果報度人爲善人信崇者若響應而影從故天下名山勝區無一不爲拈提蘭若之所其教可謂盛矣永新縣東北十里而遙有浮屠氏之宅曰龍安寬綽衍夷環宅皆壤田阡陌宅之後左溝澮水道曲爲限隔塵鞅俗氛遠不相及寺主安公如山以戒律度諸法子能不混世紛則龍安之刹又爲瑜伽叢林之望者院近長者蕭道山氏嘗捐金治鐘以供扣擊歲久頗壞乃重甄陶而增重之屬里貢士劉髦爲之銘銘曰 一爐兮天地炭兮冰臥揚金入冶燭日紅光範圍不

永新縣志

卷二十五

藝文志

金石

十

過尙象維鏞鼓於蘭若聲出梵宮寂而□□何思何爲感而□□不驚不馳禪心之安如江上山禪心之如牛無闕布金長者深省成聰一物不碍五蘊皆空禾川云云巽峯峩峩佛圖天火追蠡不磨宣德六年辛亥十月初四日謹題 一化緣吳永明康記安歐陽春成琴清吳文安賀名同張孟傑孟琛龍立得張顧溪王敏性當山住持比丘能安彥英若湖淨苾處訥瑞林瑞英處晦圓湛匠人洪仲輝龍立云造

真書徑六分許

右鐘在縣東汴溪高三尺六寸口徑二尺四寸四面皆有款文凡七百一十餘字